



BODOSA ★ A Bodo News Daily ★ Saturday ★ 16 November, 2024 Kokrajhar, BTC, Assam ★ Vol.-34, Issue No.229 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

हादतनि राजथावनि गोदान दिल्लीआव रंगिना-संगिना हाबाफारिजों खुंजागसिनो बड'लेण्ड महत्सभ-2024

बर 'फोरनि सिमां मिजिंखौ जाफुंहोनो थाखाय गसंथानायव जेब्लायबो उन जानाय नडा: नरेन्द्र मदि

बर 'फोरा जेब्लायबो गाहाइ मन्थि नरेन्द्र मदिजों लोगोआव थागोन: प्रमद बर'



गोदान दिल्ली/कक्राझार, 15 नभेम्बर: बर'माहारिनि मोनसे जारिमिनारि फोर्बों बड'लेण्ड महत्सभ। हादतनि राजथावनि गोदान दिल्लीनि साइ इन्दिरा गान्धी स्टेडियमआव गिबि खेबनि थाखाय खुंजानाय बे बड'लेण्ड महत्सभआव गाहाइ आलासि महै बाहागो लादों हादतनि गाहाइ मन्थि नरेन्द्र मदिआ। थारैनो बे बड'लेण्ड महत्सभआव गाहाइ मन्थि नरेन्द्र मदिनि बाहागो लानाया बर'

माहारिनि थाखाय गोग्गाथाव आरो देरगाथाव। गाहाइ मन्थि मदिआ दिनेनि बे बड'लेण्ड फोर्बोंखौ बेखेवनाने होनायनि गेजेरजों बर'हारि आरो बड'लेण्ड हालामनि सोमोन्दे माखासे गोनांथार बाभ्राफोरखौ बुंथिदों। गाहाइ मन्थि नरेन्द्र मदिआ गावनि बिबुंथिनि गेजेरजों सिमांनि बड'लेण्ड हालामनि थासारि आरो आधिखालनि थासारि, बर'हारि आरो राव, थुनलाइ, हरिमुखौ बाछायनाने गोवां बिबुंथि

लाखिदों। बिथाड गावनि बिबुंथिनि गेजेरजों बड'लेण्ड फोर्बोंनि साफ्रोमबो बर'फोरनिनिमि गहाम हामलायथि जासिनाने फोरमायदों, गोदान दिल्लीआव बड'लेण्ड महत्सभ खुंजाया जोबोर बाछायथाव जादों। दिनेनि साना जोबोर गेदेर सान। 2020 माइथायाव बर' गोजोन गोरोंबथा जानायनि उनाव आं बड'लेण्ड थानायनि खाबु मोन्दों। बे समाव (□ 6 बिलाइआव)

राज भवन आसामआ झारखन्डनि गायसन्थाय सान फालिदों

ट्राइबेल देदेनगिरि भगवान बिरसा मुन्डानिसिम मान बाउदों



गुवाहाटी, 15 नभेम्बर: 'एक भारत श्रेष्ठ भारत' हाबाफारि बादिये राज भवन आसामआ दिने राज भवननि सावनाय न'ब्लाडव झारखन्डनि गायसन्थाय सान फालियो। बे फालिथायनि थाखिया गासे हादतआव खौसेथि आरो बायदि रोखोमखौ बाहोनाय। बे फालिथायजों लोब्बा लाखिनाने, जनजाति गौरव सानबो फालिनाय जायो। झारखन्डनि सासे गेदेमा (□ 6 बिलाइआव)

भबानिपुराव गिबि मन्थिनि आरु निधिनि सा 300 बेराम जानाय सुबुंफोरनो चेक गथायदों



भबानिपुर, 15 नभेम्बर: भबानिपुर बिधान सभा बियाबनि एमएलए फनिधर तालुकदारनि मदत होनायाव भबानिपुरनि चराभितयाव थानाय एमएलएनि गावआरि मावखुलियाव मैया बृहस्पतिवारखालि मोनाबिलि समाव बेरामजों सन्देजानाय सुबुंफोरनो हाबाफारि बायदिये गिबि मन्थिनि आरु निधिनि चेकखौ गथायनाय हाबाफारि खुंदों। मख'नो गोनांदि, (□ 6 बिलाइआव)

रुंसारि अलिन्द्र कुमार मुसाहारिनि मान बाउनाय हाबाफारि, जिउ गैयै सह'खौ लानाने हान्जा सुरदों



उदालगुरि, 15 नभेम्बर: बिटिसिनि बारग'मावफुं सोद्रोमा आरो एमसिएलए अलिन्द्र कुमार मुसाहारिआ 59 बोसोर बैसोयाव मैया बृहस्पतिवारखालि जोबथा हां बोनायाव उदालगुरि जिल्लानि सिडाव थानाय (□ 6 बिलाइआव)

कक्राझारआव फैगौ 17 नभेम्बरआव माहारियारि थाखोनि माराथन बादायलायनाय खुंगोन



कक्राझार, 15 नभेम्बर: गिबि खेबनि थाखाय माहारियारि थाखोनि माराथन खारनाय बादायलायनाय खुंजागोन। बिटिसि सरकारनि हेफाजाबाव आरो रौनिया हान्जानि (□ 6 बिलाइआव)

बान्जायनायाव फैगौ 17 नभेम्बरआव खुंनो गोनां माराथन बादायलायनायाव हादतनि गुबुन गुबुन राइज्योनि एनसिसि केडेटजों लोगोसे 3-4 रोजा बादायगिरिफोरा बाहागो लागोन। माहारियारि थाखोनि माराथन बादायलायनायखौ लानाने कक्राझारआव बान्जाय आफादआ साखा-फारा (□ 6 बिलाइआव)

बासबारिनि फाटेमाबाद साहा बागानाव बिस्था मुन्डानि जोनोम सान खुंदों

आदिबासिनि हानि मोन्थाइ, जनजाति जानायनि दाबि

भबानिपुर, 14 नभेम्बर: माहारियारि जोहोलाव मुंखलं बिरशा मुन्डानि 149 थि जोनोम सान आरो 'आदिबासि गोग्गाथाव सान'खौ दिने सालबारि महकुमानि बासबारि फाटेमाबाद साहा बागानि सुकदेउ लाइन गेलेमु फोथाराव दुलाराय आदिबासि फरायसा आफादिनि एमएस गट कमिटीनि



बान्जायनायाव आरो बासबारिनि राइजो-राजाफोरनि हेफाजाबाव गेदेर हाबाफारिजों खुंजाया जादों। सानसेनि हाबाफारिजों खुंजाया बिरशा मुन्डानि जोनोम सान आरो आदिबासि गोग्गाथाव सानाव जागायजेन्नायावनो बान्जाय आफादिनि फिफलाखौ बान्जाय आफादिनि आफादिगिरि जुनाथान सरेडआ बिरहोयो आरो आदिबारि फरायसा आफादिनि फिफलाखौ आफादिनि एमएस गट कमिटीनि आफादिगिरि कमल सांगाआ बिरहोयो। मुंखलं मान बाउनाय हाबाफारिखौ बेखेवना होयो बान्जाय आफादिनि नेहाथारि एनेम कनगारिआ। बेनि उनावनो दुलाराय आदिबासि फरायसा आफादिनि बासबारि आन्सलिक आफादिनि आफादिगिरि एसाउ एम हेमरमजों (□ 6 बिलाइआव)

कानाडानि सि प्लेननि दिस्थिफुंथाय बाख्खलायनाय हाबाफारियाव जयन्त मल्लबरुवाआ बाहागो लादों

गुवाहाटी, 15 नभेम्बर: मेसार्च डि हेभिलेण्ड कानाडा आरो नोगोरारि उरां हान्थामेला बिफाननि जुथायै बान्जायनायाव दिने खुंजाय आन्जादआरि सि प्लेननि बाख्खलायनाय दिस्थिफुंथाय दावबायथाय मन्थि जयन्त मल्लबरुवाआ बाहागो लायो। आसामनि हान्थामेला आरो दावबायथायनि बिथिहाव दाजाबथायारि (□ 6 बिलाइआव)



67थि तामुलपुर रास फोर्बोंआ

तामुलपुर, 15 नभेम्बर: तामुलपुर आन्सलिक रास फोर्बोंआ दिनेनिफ्राय गोथार धोरामरि थासारिनि गेजेरजों जागायजेनबाय। 67थि तामुलपुर आन्सलिक रास फोर्बोंनि दिने 1थि साननि हाबाफारि बायदिये श्री श्री हरि (□ 6 बिलाइआव)

तामुलपुर जिल्ला खुंथाया 'जनजाति गोग्गाथाव सान' हाबाफारि खुंदों



तामुलपुर, 15 नभेम्बर: तामुलपुर जिल्ला खुंथायनि बान्जायनायाव धर्ती आबा भगवान बिरशा मुन्डानि 150थि जोनोम सान बोसोरखौ लोब्बा लानाने दिने 'जनजाति गोग्गाथाव सान' गौमा खुंदों। तामुलपुर गोजौसिन गेजेरारि (□ 6 बिलाइआव)

बान्जायनायाव आरो बासबारिनि राइजो-राजाफोरनि हेफाजाबाव गेदेर हाबाफारिजों खुंजाया जादों। सानसेनि हाबाफारिजों खुंजाया बिरशा मुन्डानि जोनोम सान आरो आदिबासि गोग्गाथाव सानाव जागायजेन्नायावनो बान्जाय आफादिनि फिफलाखौ बान्जाय आफादिनि आफादिगिरि जुनाथान सरेडआ बिरहोयो आरो आदिबारि फरायसा आफादिनि फिफलाखौ आफादिनि एमएस गट कमिटीनि आफादिगिरि कमल सांगाआ बिरहोयो। मुंखलं मान बाउनाय हाबाफारिखौ बेखेवना होयो बान्जाय आफादिनि नेहाथारि एनेम कनगारिआ। बेनि उनावनो दुलाराय आदिबासि फरायसा आफादिनि बासबारि आन्सलिक आफादिनि आफादिगिरि एसाउ एम हेमरमजों (□ 6 बिलाइआव)

शिवसागराव सोमोनांथाव जाथाय, 12 बोसोर बैसोनि गथ 'साखौ लांखारदों

शिवसागर, 15 नभेम्बर: शिवसागरआव गथ'सा सानखालिनो गथ'सा लांखारनाय जाथाया सोमोनांथाव सोमजिहोदों। शिवसागर सोहोरनि साखाथियावनो गावनि न'निफ्रायनो 12 बोसोर बैसोनि गथ'साखौ लांखारदों। बे जाथाया शिवसागर सोहोरनि साखाथि तुलियापारिनि मौपिया गामियाव सोमजिहोदों। मौपिया गामिनि 12 बोसोर बैसोनि गथ'साखौ सासे सेंगाया मैया बृहस्पतिवारखालि सोलो बाहायनाने लांखारदोंमोन। (□ 6 बिलाइआव)

बजालि जिल्ला सत्र महासभाया 'सत्रिया हारिमु सान' खुंदों

भबानिपुर, 15 नभेम्बर: बजालि जिल्ला सत्र महासभा आरो सुकिलारपारिनि बुडा गसाइ सत्रनि बान्जायनायाव सुकिलारपार बुडा गसाइ सत्रयाव दिने 'सत्रिया हारिमु सान' खुंजाया जादों। सानसेनि हाबाफारियाव जागायजेन्नायावनो नाम किर्टन, आलारि बाथि फोजोनाय आरो (□ 6 बिलाइआव)



गवालपारायाव गिखंथाव लामानि जाब्रबथायाव साथाम सुबुंनि जिउ खहा

गुवाहाटी, 15 नभेम्बर: गवालपारायाव दिने सोमजिनय मोनसे गिखंथाव लामानि जाब्रबथायाव साथाम सुबुंनि जिउ खहा जायो। मिथिनो मोनाय बायदिल्ला, गवालपारनि रंगजुलि ओन्सोलाव गंसे साखा खब्रै गारिया गंसे दावबायारि रोगानाय बासजों मोगा-मोगि सौग्रावलायनाय जाथाय सोमजियो। बे जाथायाव साखा खब्रै गारियाव थानाय साथाम सुबुंफोरनि जायगायावनो जिउ (□ 6 बिलाइआव)



भबानिपुर, 15 नभेम्बर: सालबारिनि साखाथि भबानिपुर बियाबनि सिडाव थानाय कठालमुरिघाटयाव दिनेनिफ्राय 7 साननाडे 53थि रास फोर्बोंआ जागायजेनबाय। दिने मोनाबिलियाव 53थि राज फोर्बोंनि गाहाइ गेटखौ बेखेवना होयो आसाम आबाद मुवा-बेसाद आरो फालांगि गौथुमनि आफादिगिरि मनज बरुवाआ। बेनि (□ 6 बिलाइआव)



सुजुगिरिनि खोलोम

जिड' नभेम्बर

बर' थुनलाइनि गोथार जोनोम सान महरे थांनाय 1956

माइथायनिफ्रायनो 16 नभेम्बरखौ बोसोरफोमबो बर'फोरा रंजा खुसिये फालिबोदो आरो इयुनावबो फालिलांबाय थागोन। थांनाय 1952 माइथायनि 16 नभेम्बरवा गायसन जानाय बर' थुनलाइ आफादनि बैसोया फेयै फेयै 73 थि बोसोर बैसोनि जाफेबाय। बे गोलाव लामा हान्थि बोनाय समाव जौनि आगोमा बर' थुनलाइआ बाइदिसिना जेनाफोरखौ सौसिबोनाने दिने मोनसे मान गोना थुनलाइनि सारियाव गसफेनो हाबाय। हादतनि डाइनिथि फारिलाइयाव हाबनाय राव महरे गनायथि मोनो हानाय बर' राव आरो थुनलाइआ गोखौ जाबोनायजो लोगोसे बर' थुनलाइनि बाखियाव बाइदिसिना बिजाब सोरिजाने बिहोमा होबोनाय गोबांधार बर' फिसाफोरा दिनेनि समाव माहारियारि थाखोनि थुनलाइयारि बान्था साहित्य अकाडेमि बान्थाबो मोनो हाबाय। बर' थुनलाइआ दिने 73 थि गायसन्थाय सान महरे फालिनो लादो। राइज्योनि दाब दाब जायगाफोरजो लोगोसेनो बे खेबनि बर' थुनलाइ सानखौ हादतनि रजथावनि गोदान दिल्लीयाव गाजा-गोमजायै फालिनाने हादतजो लोगोसे हारिमायारि थाखोयावबो बर' थुनलाइनि फासे नोजोर बोनो लानाय जादो।

बेयफासे जिड' नभेम्बर बर' थानलाइनि गोथार सान फालिनायजो लोब्बा लाखिनाने हादतनि रजथावनि नोगोरमायाव 'बड'लेन्ड महत्सभ' बो फालिनाय जादो। गिबि खेब खुनाय बे बड'लेन्ड महत्सभनि गेजेरजो बावैसो सिगां बर'फोरनि मुवा-बेसाद होनाने जिअ'ग्राफिकेल इनस्टिगोसन (जिआइ टैग) गनायथि मोनो हानाय बर'नि माहारियारि दामजु खाम, सेरजा-गंगोना, जानाय-लौनायनि अनद्ला, नाधि, नाफाम, गंगार दुन्दिया, जौ गोरान, माइजा बिदे, जौ माथाजो लोगोसे बाइदिसिना आदार-मुवाफोर आरो हारिनि सिनायथि गानग्रा-जोमग्रा सि-जोम जैरे - आर-नाइ, दखना-सादि, जोमग्रा-गामसा, इन्डि खुन्दुनिफ्राय दिहुनाय बाइदिसिना सि-जोमफोरखौ लानाने मोन 21 मुवाफोरखौ बे बड'लेन्ड महत्सभभाव दिन्थिफुनाने हादतनि आरो गुबुन हादतनि बाहागो लाफेनाय गुबुन गुबुन हारि-माहारिनि सुबुफोरनिफ्राय जोबोद अन्सायनाय मोनो हादो। बेजो लोगोसे बर'नि सोलिबोनाय हारिसु-आसारखाथिबो दिन्थिफुनाय जादो। बर'नि हारिसुयारि मोसानायफोरा मुलुगनाडेनो मुंदांखा। बर'नि बागुरुमबा मोसानायखौ नुयोब्बा बयबो गोसो गोजोन्नाय मोनो हायो।

16 नभेम्बरखौ बोसोरफोमबो माहारियारि प्रेस सान महरे फालिनाय जायो। देरलायबो बे सानखौ हादतनि दाब दाब जायगाफोरवा फालिनाय जागोन। दरसे सुबुलान्त्रिक हादतनि थाखाय प्रेस एबा खौरां बिजोआ मैखोम बिफाव लानो हायो। सुबुतन्त्रनि त्रैथि खाम्फा महरे गनायथि मोन्या खौरां बिजोआ सुबु खुंथाय राहाखौ सांग्रां खालामनाने गोथो लामाजो देदेनलानायाव मदत होनायजो लोगोसे हादतआव खौरां बिजोनि उदासि आरो बिबान सामलायलानायनि थुलुगाखां हायो। सुबु खान्थिखौ रैखा खालामनाय आरो गोगो खौरांनि बिफाव होनो गिदिर थांखि लानाने 1966 माइथायाव प्रेस काउन्सिल अफ इन्डियाजो बे गोखौ फसंधानखौ गायसनाय जादोमोन। बेखायनो बे सानआ खौरांनिफोरखौ बिबान गोनाडे हाबा मावनो आरो खौरां बिजोनि फासे थानो गोनां बिबानखौ बे सानआ गोसोखाथियाव लाबोयो।

दिनेनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेघ:** जेखि खामानियानो मावनो साना जाफुनाय नड। गोसोखौ हमथानांगोन।
- वृष:** देहा-सोलेराव जोखोमफोर मोनबाय बायनो हागौ। सांग्राडे थानांगोन।
- मिथुन:** मोजां रोंग थि जानो हानाने थुलुगानाय मोनो हागोन। मोजां सान।
- कर्कट:** सरकारि साखि मावनायाव जौगानायखो मोनो हागोन। गोजोन्नायखौ मोनो हागोन।
- सिंह:** मावनाय-दानायनि सान्नाय-हनाया गोमालांगोन। जेथिबो सांग्रां जानांगोन।
- कन्या:** माखौबा सानाने जिगा सिनानो हागौ। गोसो हमथानाने सोलिनांगोन।
- तुला:** माबाफोर खामानि-दामानि मोन्यायनि सुजुग-सुबिदा दड। नाजोयोब्बा मोनो हागौ।
- बृश्चिक:** मोजां रोंग थि जानो हानायनि थाखाय सन्मान मोनगोन। गोजोन्नाय मोनगोन। मोजां सान।
- धनु:** बादायलायनायाव देहासार जानो हानायनि मुंदांखा जागोन। फारफोमथिबो मोजां।
- मकर:** जेखियानो जाया ननि गोथार हाबा मावनो हागोन। दिनेनि दिनआ शुभ सम।
- कुम्भ:** फालांगि खालामनायाव खहाफोर जानो हागौ। गोसोखौ शान्ति मोन्याय नड। सांग्राडे मावनांगोन।
- मीन:** फुं समाव मोजां खामानिखौ मावनो नाड। बेलासिनि 2:00 रिगानिफ्राय शुभ सम।

जौगाबोनाय गारां: माहारियारि प्रेस सान फालिनाय आरो खौरां बुथुमनायनि सोलायनाय नुथाय

जहिद आहमेद तपदर फोरमायथि आरो सुबु फोनाजाबनि सिइइसडि, बिटिसि, कर्राझार

बोसोरफोमबो 16 नभेम्बरवा फालिजानाय माहारियारि प्रेस सानआ सुबु खान्थिखौ गोखौ खालामनाय, बिबान होनायखो बांनोनाय आरो फोरमायथिनि उदां बोहैथिखो रोखा खालामनायाव खौरां बिजोनि गोनांधार बिफावखौ फालियो। बे साना इ 1966 माइथायाव प्रेस काउन्सिल अफ इन्डियानि गायसनायखो गोसोखांहायो, जाय मिडिया दारिमिनि जौगाबोनाय नुथायखौ रिफिनो मोनसे खाबु होयो। जौ 2024 माइथायनि बे फालिथायखौ "प्रेसनि सोलायनाय आखु" आयदाजो प्रेसआ बारलानाय सोलायनाय, दावबायनाय आरो फेबाय थानाय जेनाफोर आरो खाबुफोरखौ नोजोर होयो। खौरां बिजो जेब्लाबो सुबु खान्थिथारि समाजनि मोनसे गुदि बिथा जानाने दं, जाय सुबुफोरनि गारां आरो गोहोनि नायदिंघा महरे खामानि मावो। प्रिन्ट जार्नलिजिमनि सिगानि सानफोरनिफ्राय लानाने रैडिअं आरो टेलिभिजननि जौगानायसिम आरो आधिखालाव डिजिटेल प्लेटफर्मफोरनि गोहोम, राइजो-राजानि बिबुथिखौ महरे होनाय आरो समाजनि सोलायनायखौ बांनोनायाव मिडियानि बिफावा गोनांधार जानाने दं। जिखिजायामानो, बिरोदाभिनारि जौगानाय, गुबैये डिजिटेल मिडियानि जौगानाय, खौरां सोरिजानाय, बाहायनाय आरो फोसावनायनि आदबखौ नायथावे महरे सोलायनाय। डिजिटेल सोमावसारनाय, समाजनि बिजो, स्मार्ट फन आरो 24/7 खौरां फारिफोर सौफेनायजो, जार्नलिजिमखौ बांसिन गोखे, मोगा-मोगि आरो मोनो हाथाव खालामदो। आधिखालाव खारिथिया जाय गोखैथिजो दावबायो बेयो सिगानिफ्रायनो जाफेरे। खौरांफोरा गुबै समाव नायगिरिफोरसिम सौहैयो, भुमखौरांखरि हेथाफोरखौ सिमफाययो आरो मिडियाखौ मोनसे गोखो, इन्टरनेटिभ फरामआव सोलायहोयो। दोरोखरि प्रिन्ट आरो फोसावथाय रादाब बुथुमनाय, जाय मोनसे समाव खौरांनि मोनसेल' चनेलफोरमोन, द अनलाइन्ड प्लेटफर्म, ब्लग, पदकास्ट आरो ससियेल मिडिया चनेलफोरजो लोगोसे थाफयो। बेयो फोरमायथिनि गोसारनायखो फेहेरदो आरो नोगोरारि जार्नलिजिमजो लोगोसे बेनि सोरिजानायखौ सुबु खान्थिथारि खालामदो। मानसिफ्रा आधिखालाव खौरांफोरखौ सिगाडवोनो रिपट खालामनो हायो, जाय मोनसे गोबां रोखेमनि फोसाव बिजो नुथायाव बिहोमा होयो। बरेखानि, बे सोलायनाय जेनाफोर लाबोदो। डिजिटेल मिडियानि जौगानाय गोरोन्थि फोरमायथि, नंखाय खौरां आरो गायसनायनाय आउटलेटफोराव फोथायथिया गोमालानायनि सायाव जिगा सिखांदो। सिगां जानो हेगो-दोंगोआव, माब्लाबा-माब्लाबा गेबैथिखो बावनो हायो। जिउराहायारि रजार्नलिजिम आरो बिबुथि-बिथायारि आयदानि गेजेरनि हांखोआ रोखा जाबाय आरो

फोरमान खालामजायै आयदानि गोसारनायजो, खौरां बिजोड बांसिन बिबाननि मोगा-मोगि जानांदो। राइजो-राजानि फोथायथिखो लाखिनो आरो रजार्नलिजिमनि सैथोथिखौ रैखा खालामनायाव खौरां बिजोड फोथायजाथाव, बोसोनारि आरो फोथायजाथाव थानायखौ थि खालामनाया गोनांधार। खौरां बिजोनि सोलायनाय आखुआबो खौरांनिफोरखौ गोहोम खोखैयो। जेराव गोदान बिरोदाभिनफोरा फोरमायथि बुथुमनो आरो गोसारहोनो थाखाय गोबां आगुजुफोर होदो, बे जिउराहाय बांसिन जेनागोनो जाबाय। खौरांनिफोरा मोनसे जेथोगोनो मिडिया सोरिबिथि खान्थिथारि नेभिगेट खालामनांगोन, गोदान प्लेटफर्मजो गोरोबहोनांगोन आरो नंगुबै समाव नायगिरिफोरजो नंथाबनांगोन। बिनि थाखाय रोंग थिफोरनि मोनसे गोदान जथाय आरो बेजो लोब्बा थानाय बोसोनारि बिबानफोरखौ बुजिनयनि गोनांधि दं। बेनि अनगायैबो, ससियेल मिडियानि जौगानाय खौरांनिफोरखौ अनलाइन्ड हेरसेमेन्ट, गोरोन्थि फोरमायथि फोसावनाय आरो राजखान्थिथारि नारसिन्नायजो मोगा-मोगि खालामदो, जाय गासैबो खौरां बिजोनि उदासिखौ खैफेदआव खोखैयो। भारतआव खौरां बिजोड उदासिनि दावबायनाय लानाने आधिखालसिम हादतनि सुबु खान्थिथारि दावबायनायाव मोनसे मख'जाथाव बिफाव लादो। जैरे- खौरां बिजोड जौगागासिनो दं, बिनि उदासिखौ रैखा खालामनाय आरो सैथोथि, नंगुबै आरो बिबाननि बेसेनफोरखौ लाखिनाया गोनांधार। खौरां बिजोड उदां आरो बिबान गोनां थानायखौ थि खालामनो थाखाय गायसनजानाय प्रेस काउन्सिल अफ इण्डियाआ बोसोनारि जार्नलिजिमखौ जौगाहोनायाव गाहाय बिफाव लागसिनो दं। माहारियारि प्रेस सानाव, जौ गोसो गैये गोहोमनिफ्राय उदां आरो राइजो-राजानो खौरां होनो आरो सोलौंथाय होनो गोहो गोनां मोनसे खौरां बिजोनि फारसे जौनि रादाइखो रोखा खालामनांगोन। "प्रेसनि सोलायनाय आखु" नि आयदायाबो सोलिफाय थानाय आजवावनायनि गोनांथिखौ नोजोर होयो। खौरां बिजोड समाजनि गोनांथिफोर आरो बिरोदाभिनारि जौगानायनि फिन्नायाव जौगानांगोन, जेराव गावनि सैथो, सैथोथि आरो गेजेरारि नडैयुबे बोसोन खान्थिफोरखौ लाखिनांगोन। डिजिटेल प्लेटफर्मफोरनि जौगानाय, खौरां खथाफोराव आर्टिफिसियल इन्टेलिजेन्स आरो खारि रादाब बुथुमनायनि बांलानाय बिफावा मोनसे इयुनि फारसे इसारा होयो जेराव प्रेसआ समाजनि, राजखान्थिथारि आरो रंखांथिथारि आयदाफोरनि साखाथियाव सावरायनायखो महरे होनायाव आरोबाव गोनांधार बिफाव लागोन। बेफोर सोलायनायफोरखौ मोनसे गिनान्गो महरे नायनायनि अनगायै, जौ बेफोरखौ 21थि जौथायाव खौरां बिजोनि बिफावखौ गोदान दिहुनो आरो गोखौ खालामनो खाबु महरे बोबना लानांगो। बे माहारियारि प्रेस सानाव, आसाम सरकार आरो बिटिसि सरकार खौरांनिफोरखौ हेफाजब होनो थाखाय लानाय आगानफोरखौ गनायनाया गोनांधार। मोनैबो सरकार

राइरि हेफाजब आरो रोंग थि जौगाथाय हाबाफारिफोरजो लोगोसे खौरांनिफोरनि जौगानायनि थांखिजो गुबुन गुबुन बिथांखिफोरखौ मावफुंगासिनो दं। बेफोर हाबाफारिफोरा खौरांनिफोरखौ गावसोरनि रोंग थिखौ जौगाहोनाय, गोदान बिजोनि ट्रेन्डफोरजो सोलिबाय थानो आरो गोखैये सोलायबाय थानाय मिडिया आबहावायाव गावसोरनि जिउराहायारि गोहोखौ बांनोनायाव मदद होयो। बे नाजानायफोरा रोखा खालामोदि खौरांनिफोरा गावसोरनि गाहाम आरो जिउराहायारि जौगानायखौ बांनोनायजो लोगोसे गोदान मुरोगन रादाब बुथुमनायनि जेनाफोरखौ मोगा-मोगि जानो थाखाय साखा-फारा। बेनि अनगायैबो, समाजनि जौगानायनि थाखाय सरकार आरो फोसाव बिजोनि गेजेराव मोनसे गोरोबलायनाय सोमोन्दोआ गोनांधार। खौरां बिजोड नोगोरारिफोरनो सरकारि बिथांखिफोर, समाजनि जेनाफोर आरो जायगायारि जेनाफोरनि सोमोन्दे फोरमायनायाव गोनांधार बिफाव लायो। एखे समावनो, फोसाव बिजोनिफ्राय सोरिजितु फिन्नायाव सरकारफोरखौ बांसिन गोहोम गोनां बिथांखिफोर सोरिजितु लामा दिन्थिनो हागौ। सुबुफोरनि गारांखौ खोनासंनायखौ रोखा खालामनो थाखाय मोनैनि गेजेराव गोरोबलायनाया गोनांधार आरो राइज्योआरि सावरायनाया रोखा, बयखौबो लाफानाय आरो जिउगोनो जानाने थायो। ओरैबायदि मोनसे मुगायाव, जेराव फसंधानफोरनि सायाव फोथायनाया गोनांधार, गावजो गाव सन्माननि सायाव बिथा खालामनाय मिडिया-सरकारनि बाहागोआरिआ मोनसे गियान गोनां आरो सांग्रां नोगोरारिफोरखौ जौगाहोनायनि थाखाय गोनांधार। माहारियारि प्रेस सान 2024 आ रिफिनयनि समल' नड, नाथाय खामानि मावनो खावलायनायबो। जौ खौरां बिजोनि मोनफुंथायफोरखौ फालिनांगोन आरो बेजो मोगा-मोगि जानानाय जेनाफोरखौ गनायनायनो। बेयो खौरां बिलाइनि उदासि, नंगुबै आरो बिबान होनायनि बोसोन खान्थिफोरनि थाखाय गावखोनो बावसोमोनो मोनसे खाबु। नोगोरारि महरे, जौ मोनसे जिउ गोनां मिडिया सोरिबिथि खान्थिखौ मदद होनांगोन जाय सुबुफोरखौ गियान गोनां थिरांथा लानो गोहो होयो। खौरांनिफोरनि महरे, जौ गोजौसिन मान थाखौखौ लाखिबाय थानांगोन, बेखौ रोखा खालामनांगोनदि फोसाव बिजोआ समाजाव मोजांनि थाखाय मोनसे गोहो जानाने थायो। जोबथारनायाव, खौरां बिजोनि सोलायनाय आखुथाया बेनि दिदोमथि गोहो आरो गोरोबनो हानाय गोहोनि रिफिनयनि। सेवखानाय बिजोनिफ्राय लानाने डिजिटेल खौरांसिम सुबुफोरनो खौरां होनाय, सोलौंथाय होनाय आरो गोहो होनायाव खौरां बिजोनि गुबै हाबारा जेबो सोलाय-सोल' जायाखै। माहारियारि प्रेस सानाव, फे जौ मिडियानि मोनफुंथायफोरखौ फालिनि, बेनि जेनाफोरखौ मोगा-मोगि जानि आरो फेबाय थानाय जोलैफोरनि थाखाय फोसाव बिजोआ उदां, मोजां आरो बिबांगोनो थानायखौ थि खालामनो थाखाय जौनि जथाय रादाइखौ गोदान खालामनि।

मणिपुरनि जिरिबाम हिंसा जाथायखौ संदान्नी एनआइएआ आखायाव लाबाय

इम्फल, 15 नभेम्बर : मिरुनि नख'रे मावख'नि बिथोन बायदियै गुबुन जाथायफोरजो लोब्बा गोनां मोन 3 केसफोरखौ एनआइएनो गथायबाय। नायबिजिरिनाय हाबाफारिखौ जागायनो थाखाय जर'खा बिजिसालि (स्पेसिएल कर्ट) आ जिरिबाम आरो बरबेकर पुलिस स्टेशननो केसजो लोब्बा गोनां गासैबो फोसाम बिलाइ आरो जब्द' खालामनाने मोन्याय फोरमानफोरखौ एनआइएनो गथायनायनि बिथोन होदो। बेफोर मोन 3केसआ थांनाय 7 आरो 11 नभेम्बरवा जिरिबाम जिल्लायाव जादोमोन। एनआइएया बिपनएस, वेपन एक्ट आरो इउए (पि) एक्टनि आर्टिकल 20 गुबुन गुबुन दफानि गेजेरजो गुबुन गुबुन के थिसन्दो। गिबि एफआइआरखौ सिनायमोनै हाथियार लानाय दुथांफोरनि हेथाये थिसनाय जादो, जायफोर बरबेकर पुलिस स्टेशन आरो जकुराधर करंआव थानाय थाग्रा न'फोराव गुलि गावल्डो आरो माखासे न'फोरजो लोगोसे गलाफोरखौ अर सावना होदोमोन। नैथि केसआ 11 नभेम्बरखालि जकुराधर करंआव थानाय सिआरपिफे पस्टआव गार्लोबनायजो लोब्बा गोनां।



आसामनि हमार फोलेरआ सिलचर मेडिकेल कलेजआव धर्ना होदो

गुवाहाटी, 15 नभेम्बर : हमार फोलेरनि सोद्रोमाफोरा 11 नभेम्बरखालि जिरिबामआव रेखाथि हान्जाफोरनि गेजेरजो बुथारजानाय सा 10 सुबुफोरनि गोथै सह'खौ हरफिन्नायनि दाबि दिखांनाने सिलचर मेडिकेल कलेज आरो देहा फाहामसालिनि गोथै दोनग्रा न'नि बायजोआव हेथाये धर्ना होदो। 'जौनो जौनि थैनाय सुबुफोरखो हरफिन' होनाने धर्ना होनायनि गेजेरजो धर्ना होराफोर गावसिनि अजद दिखांदो आरो बिथोमोननि थाखाय बिजिरिनाय बिदो। जायगायाव थानाय बिबानगिरिफोर शान्तिवै दोन्याय आरो थासारिखो



बारायनायनिफ्राय होबथानो नाजानायवा काछरनि पुलिस मावसुमाफोरखौ जाथाय जानाय जायगायाव लिंहेरो। थासारिया एखैयैनो थाबाय थारो। मानोना हमार फोलेर बिसोरनि प्रफसेलखौ नेनाने थारो जहाथे बिथोमोनहा गावसिनि नेम-खान्थि बायदियै जोबथा बिदाय होहोनो गनायो।

त्रिपुरा सरकार राइज्योआव बेसेन बांनयखौ लानानै बाजार आफादफोरजो सावरायदो



आगरतला, 15 नभेम्बर : त्रिपुरा नि आदार आरो नोगोरारि जगायथाय मन्थि सुशान्त चौधुरीआ बुंदोदि, सरकार गोनांधार मुवाफोरनि बेसेनखौ दिदोमै लाखिनो आरो राइज्योनाडे समाथि एबा गोरोबकनायनायाव (क-अडिनेशन) सावखानो थाखाय बाजार फसंधानफोरजो जिल्ला हिसाबै

जथुमा खालामनायनि बागैबो सानखानाय जादो। दावबायनाय बिफानखौ नायथिग्रा मन्थिया आदार आरो नोगोरारि जगायथाय बिफाननि राइज्यो थाखोयारि नायसंनाय जथुम्मानि समाव बे आपडेठखौ शेराय खालामदो। बिथाइ बुडेदि, बे हाबाफारिनि थांखिया बे जिल्ला जथुम्माफोरनि थाखाय मोनसे केलेन्डर बानायनाय, जेराव बेसेन थि खालामनाय, जगायथाइ आरो क-अडिनेशन बायदि गाहाइ आयदाफोरवा नोजोर होनाय जागोन। गावसोर गासिबो बिबानगिरिफोरजो नायसंनाय जथुमा खालामनायसिनो। बावैसो सिगां बदरपुरआव ट्रेनआ साइथिनिफ्राय गोलैनायनि जाहोनाव थाव जगायथायाव गोहोम गोलैदो, नाथाय दासिमाव थावखौ आबुडे मोनो हासिगोन होना आसा खालामनाय जादो। डिसेम्बरनिफ्राय रबि बोथोरनि फसलजो माय बायनायखौ जगायगोन। बेफोर आयदा आरो गुबुन बिफानारि आयदाफोरखौबो बे जथुम्मायाव सावरायनाय जागोन होनाबो चौधुरीआ बुडे। मख'जाथावदि, जायगानि खुंथायाबो बेसेन बांनयफोरखौ गोखौ नोजोर लाखिदो आरो जायखि जाया बेसेन बारयनायखौ होबथानायनि थाखाय सिग्रोमदो।

कर्नाटकनि 29,000 एकड़ हाखौ मुस्लिम दैनेगिरिफोरा दखल खालामदो: मिरु मन्थि



कच्चि, 15 नभेम्बर : मिरुआरि मन्थि सभा करन्दलाजेनआ थांनाय बृहस्पतिबाराखालि दाय जाबसिनोदि, मोनसे गोहो गोरा हा माफिया बकनि दाबि दैखानायनि गेजेरजो आबादारि आरो निखाउरिफोरनि हाखौ दखल खालामनो नाजामासिनो दड। एर्णाकुलम जिल्लानि मुनाम्बमआव भभाआ दाबि दैखाडोदि, हा माफियाआ लेन्ड जिहाद खालाम गानिनो दड। मुनाम्बमआव गासै 600 नख'रफोरा बकनि हा दाबि दैखानायनि हेथाये धर्ना खालामागानिनो दड। मिरुयारि मन्थिया सौंथि सोडोदि, 1954 आव जेब्ला बक नैम-खान्थिखौ फोसावदोमोन, वकक बर्डिनयाव हादत नाडे गासै 10 रोजा एकड़ हा दडमोन। दिने भारतआव रेखाथि आरो चीननि उनाव बेयो थामथि बयनिखुइ देरिसन हा स्वाभि, जार्निययाव गासै 38 लाख एकड़ हा दड। नाथाय एसेबां गोबां हाया बवेनिफ्राय फेखो? बेनि गेजेरजो मिरुयारि मन्थिया बेनि अजदखौ 2024 आव चुथाइ संसदीय कर्मिदिनि खाथियाव दिखांगोन होना खोथा होयो। वकक सोदोनाय बिलखौ फोसावनायनि उनाव बे

NAME CORRECTION

I, SRI JHUNU GAYARI, resident of Hadanpara, W/No. 08, P.O., P.S. & Dist-Kokrajhar, BTC, Assam declare that NABAJYOTI GAYARY is my son and he had used to write his title spelling as GAYARY which is recorded in some relevant documents. Therefore, I do hereby declare that JHUNU GAYARI and JHUNU GAYARY is the same and one identical person by an affidavit before Notary, Kokrajhar on 14/11/2024.

Name Correction

That, my father's actual & correct name and surname spells as Khargeswar Nath which is recorded in my land document covered by Dag No. 76 and 83 of Periodic Patta No. 15, situated at Vill.- Gendrabil, Dihi/Mouza-Futkibari, P.O.-Gendrabil under P.S. and Revenue Circle-Kokrajhar in the District of Kokrajhar(BTR) within the State of Assam and other relevant documents. That, in the On-Line document of my aforesaid land of myself wherein my father's name and surname has been recorded/shown as Gogeswar Nath instead of his actual & correct name and surname-Khargeswar Nath of the aforesaid Dag and Patta.

Sri Khirod Chandra Nath S/o.- Late Khargeswar Nath Vill.- Gendrabil P.O.-Gendrabil P.S.- Kokrajhar Dist.-Kokrajhar BTR, Assam

Lost

I have lost my original HSLC Pass Certificate bearing Roll: B06-074 No.-3193 of the year 2006. If anybody found kindly inform to the following address.

Bhanumati Basumatary Vill.- 1 No. Runikhata P.O.- Runikhata Dist.- Chirang BTR, Assam PIN.-783375

उत्तराखण्डनि नैथि चेरापुन्जि होन्नानै मुं मोन्नाय हिल स्टेशन

दिल्ली-एनसिआरनि थागिरिफोरनि थाखाय उइकेन्ड एबा हलिडेनि ऑथिया जादों हाजोआव दावबायहैनाय, गावनि कारजों 5-6 घन्टासिम दावबायनानै उत्तराखण्ड एबा हिमाचलनि समाइना हिल स्टेशनआव गोरलैयै थांलाय-फैलाय खालामनो हागौ। नाथाय जान्थाय खम जानायनि थाखाय बै दसै राइज्योफोरनि जोबोद मुंदांखा हिल स्टेशन जेरै-शिमला, मानालि, ऋषिकेश, मसुरि, नैनिताल, रनिखेतया जोबोद मुंदांखा जानानै फैदों आरो बेयाव मोनप्रेम बोथोरगवो दावबायारिफोरनि होंगो-दोंगो नुनो मोनो। लोगोसेनो साखाथियाव जायनि थाखाय बांसिन सुबुंफोरा बेरायदिहैनो थाडो। बेयावनि दावबायथाव जायगाफोरनि गेजेराव चौखुटियाखौ मख'नाया गोनंथार जायखौ कु माउं रिजननि चेरापुन्जि होन्नाय जायो। उत्तराखण्डनि अल्मड़ा जिल्लानि रामगंगा दैमा सेराव थानाय मोनसे फिसा समाइना चौखुटियाआ माखासे मन्दिर आरो माय आबाद



मावनायनि थाखाय मुंदांखा। दिल्ली-एनसिआरनि फ 1य चौखुटियानि जान्थाय 365 कि:मि:। नाथाय बांसिन लामाया समान जानायनि जाहोनाव कारजों 8-9 घन्टासिमाव सौहैनो हागौ। दिल्लीनिफ्राय चौखुटियासिम थानाय बास सिबिथाइबो दड। चौखुटियानि मख'जाथावसिन गुनआ जादों, बेनि मिथिगायारि समाइना, सोमखोर फोथार आरो समाइना हाजोआ बेखौ समाइनासिन खालामो। सोरगदिं हाजोफोरनि

हायेनआव थानाय बे समाइना सहरनि बोथोराबो दावबायारिफोरनि गोसो बोनो हायो, मानोना बेयो हाजो-हाला सारि-सारि रामगंगा दैमा सेराव दड। दैज्जानि समाव बेयाव 4 दाननाडै अखा हायो आरो मे-जुनि अनगायै गासिबो दानावनो बोथोरा गोजोन-सुदेव जाना थायो। बे फिसा सहरनि गोजाम-गोजामसिम सोमखोर फोथार, माइ दुब्लि, सहरनि गेजेरजों रामगंगा दैमानि जिरी-जिरी

बोहेलानाय, तड़ागतल बिलो बायदिब्ला दावबायारिफोरनो आलादा गोजोन्नाय आरो रिलेक्स खालामनायनि थाखाय बेयो समायना हिल स्टेशन। चौखुटियायाव दावबायहैयोब्ला थानायनि थाखाय खाथि-खाला, लामाफोराव खम बेसेननि हटेल आरो हम स्टेनि सुबिधाबो दड। बे सहराव थाडोब्ला, रुद्रेश्वर मन्दिर लखनपुर मन्दिरनि अनगायै माखासे गोबां गोजाम मन्दिर दड।

जमुइआव गाहाइ मन्थि मदिआ 6600 कौटि रं बिथारिफोरनि अन्थाय खाम्फा गायसन्दों



जमुइ, 15 नभेम्बर: भगवान बिरसा मुन्डानि 150 थि जोनोम सानजों लोब्बा लाखिनानै खुंनय ट्राइबेल गोगाथाव साननि हाबाफारिआव दिने बाहागो लाहैयो गाहाइ मन्थि नरेन्द्र मदिआ। बेनि उनाव बिथाडा हाबाफारिनि चौसाडाव सौहैनानैनो बिथाडा 6600 कौटि रं बिथारिफोरनि अन्थाय खाम्फा

गायसनो। बेजों लोगोसे बिथाडा 150 रंनि गोसोखाथि महरै बानायनाय सिक्काखौबो बेखेवो। बेनि सिगां गाहाइ मन्थि मदिआ बिरसा मुन्डानि नख'रनि सोद्रोमा बुधरा मुन्डानो सल जि जोमहोनानै मान बाउयो। बेनि उनाव बिथाडा खैरा ओन्सोलनि सिडाव थानाय बल्लपुरआव थाडो। गाहाइ मन्थि मदि फैन्याय

आरो ट्राइबेल गोगाथाव साननि हाबाफारिखौ नायनो गोबां अन्जिमनि सुबुंफोरा जथुमनाय जायगा फासै थाडो। गाहाइ मन्थि मदिआ गावनि मावबुब्लि समाव बिहारनि सुबुंफोरनो माखासे अन्थोव होंगोन। बे हाबाफारिनि समाव बिहारनि सुबुंफोरनो माखासे अन्थोव होंगोन। बे हाबाफारिआव राइज्यो बेगिरि राजेन्द्र बिश्वनाथ आलंकर, गिबि मन्थि नितिश कुमार, मिरु मन्थि जुएल अराम, गिरिराज सिंह, चिराग पासवान, जीतेन राम माझी, लेडाइ गिबि मन्थि सम्राट चौधुरि, मन्थि जनक राममोहन बाहागो लादों। गाहाइ मन्थि मदिआ बे हाबाफारिआव 6640 कौटि रंनि बिथारिफोरनि अन्थाय खाम्फाबो गायसन्दों। बेनि

अनगायै पिएम जनमन बिथारिफोरनि गेजेरजों गं 11,000 न'फोराव हाबनायावबो बाहागो लागोन। बिथाडा आदिबासि ओन्सोलफोराव देहायारि जोथोन लानायखौ बांहोनो थाखाय पिएम जनमननि गेजेरजों जागायनाय मोन 23 मबाइल मेडिके ल इडनिट आरो हा बाहागोनि एबिए ट्राइबेल गामि जौगाखां हाबाफारिनि गेजेरजों उफ्रा 30 एमएमइउखौबो बेखेवगोन। बे हाबाफारि खुंनय जायगायाव गोबां अन्जिमनि पुलिस मावसु माफोरखौ डिउटिआव थिसन्याय नुनो मन्दां। बेयाव एसपि चन्द्र प्रशाक आ गासै रैखाथि रा हा फोरखौ सामलायदोंमोन।

माइक टायसनआ 19 बोसोर थादनायनि उनाव फिन रिंआव फैफिननो थियारि

गुवाहाटी, 15 नभेम्बर: माइक टायसनआ 19 बोसोर थाद'नायनि उनाव सनिवार 16 नभेम्बरखालि टेक्सासआव 27 बोसोर बैसोनि जेक पलजों मोगा-मोगि जानो थाखाय रिंआव फैफिननो थियारि। माइक टायसनआ 18 बोसोर बैसोआव 1985 माइथायाव गावनि जिउराहायारि बकिंसआव आगान होजेरदोंमोन, जायनि जाहोनाव बिथानि बेरेखा हेक्टर मर्सिडीजआ मोनसे गिखंथाव बुनायनि उनाव से मिनिट आरो 47 सेकेन्डआव थाफिन्नो गोनां जादोंमोन। बेयो हेभिबेटनि थाखाय रिंआव मोनसे गिखंथाव जिउ राहानि जागायजेन्नायखौ दिन्थियो, जाय गेदेर देरहानाय आरो गात्रि जेननायजों बुंफबनायमोन। 58 बोसोर बैसोनि 'आयरन माइक'आ 32 बोसोरनि उनाव फिन रिंआव फैफिनसिगोन। बिथाडा गावनि जोबथा जिउराहायारि आउटनि 7,000 साननि बांसिन समनिफ्राय इस्टुबार पलनि हँथायै मोनसे जिउराहायारि बाउटनि थाखाय फिन खेबसेबाव गावनि बकिंस ग्लब्सखौ गानगोन। टायसननि जोबथा जिउराहायारि बाउटआ 11 जून, 2005 माइथायाव आगुनि आयरिश हेभिबेट केभिन् मेकब्राइडनि हँथामोन, जायनि फिथाय महरै जोबनायाव टायसननि थाखाय खहा जादोंमोन। टायसन आरो पलआ गिबियाव जुलाइ 2024 माइथायाव सानैजों मोगा-मोगि जानो गोनांमोन। बबेखानि बाउटखौ दोनथ'नाय जादोंमोन, मानोना टायसनआ उदैन



आल्सारखौ मोनदांदोंमोन। बिनि उनाव बिथानि अन्सायगिरिफोरा हाइ-प्रफाइल बाउटनि थाखाय आरोबाव ब्रै दानसिम नेनांदोंमोन। बाउटआ सनिवारखालि फुनि 9.30 रिंगायाव टेक्सासनि आर्लिटननि एटि एन्ड टी स्टेडियामाव जागायगोन। बबेखानि बाउटनि थाखाय जे बो लाइभ टेलीकास्ट जानाय नड, बबेखानि बेखौ नेटफिलक्सआव लाइभ स्ट्रीम खालामनाय जागोन।

थान्दै नों

रोजाबदोंमोन सानसे नों बर'नि गेजेराव दावखौओनि गाराजों गंसे नख्हां नागिरनायनि उजिफैदोंमोन नों सुबुंथिनि थान्दै महरै बै गौरं सेराव उदांसिनि मुसुखा जाना। खुंदोंमोन नों आलो-गोजोन न'खर बिदा-फंबायनि गेजेराव हारि, धोराम फाराग गैयाजासेनो खौसैनि मोन्थोरजों गोमालांनो हमनाय बर'हारिखौ फोजाफिननो थाखाय, नाजादोंमोन नों अराय। सान्दुं, अखा नेवसिनानैब्लाबो हारिखौ बुहुमाव सिनायथि होलांनो अराय थान्दै महरै।

केशव बसुमतारि
गामि- गौरं भेलि, ला:सो:- हल्दुगाव
जिला- कक्राझार, बि.टि.सि।

दडोमोन

दडोमोन आंहाबो -सासे गोर्बोनि अनजालि होदोंमोन आं बिनो थोजसे अन्नाय, आजवना लादोंमोन अनजालियाबो। गोर्बो गोसोजों आनि गोथार अन्नायखौ। नाथाय मादि सोमोनांथाव आनि गोर्बोनि गोथार अननायखौ'' नेवसिना जानगार लांबाय बियो बै नुहुरनाय हाजोनि समायना बिखायाव।

मुसि थनिजा ब्रह्म
गामि- धावलिगुलि
जिला- कक्राझार (बड'लेण्ड)।

रंजालि गथ'फोरनि सौरा

मिजिं

फैलाव बे बुहुम बिखायाव जानांबाय आं गसाइनि माया गेलेनायाव गोसोआव मिजिं दं, नोंखौ हास्थायनायनि गोसोआ हांखुर जायो नोंनि थरथिसे अन्नाय मोनैआव। आय'रजे सोर नों? साया-माया सान-सम नोंनि महराल' जाखं फैबाय थायो गोसोआव सान्दोंमोन सिरि सिरि; मोनहासयै लैथोआव बुसोमजानाय बादि हरखाब नुजाफैबाय नों, आनि गोसो गोरबोआव। हास्थायो आं नोंखौ अरायबो मोनो लुबैयो; आनि गोसोआव मिजिं दं नोंखौ जेब्लाबो हास्थायनायनि।

मुसि गुथाल बर'
गामि- हगमाबिल
ला:सो:- हगमाबिल।

बौरै बावनो रसमि

सानदोंमोन आं नों रसमिखौनो अरायबो गोसो गोर्बोजों मोजां मोनो, नाथाइ नोंनि नोमा नोम्फाया आंखौ फोथाय खेबस' खालामबाय। आनि गोसो गोर्बोजों मोजां मोननायखौ नोंनि आदा आब'आ आंखौ गोदाव सोराव खालामबाय, आरो आंखौ नोंनिफ्राय गोजानाव दोनबाय। नोंखौ गोजानाव दोनबा मालाइ मा जानो रसमि थेवबो नोंनि महरा आनि गोसोआव आइना नाइनाइ बायदि नुजाबाय थायो। नों आंखौ जेसेबां बावनो नाजागोन आनि मोजां मोननाया बारासिनसो जागोन, मानोना बे मुलुगाव मोजां मोननायनिखुइ देरसिन जेबो गैया। फागुनिनि जावलिआ बर मोदायाबो हानाय नड रसमि आनि मोजां मोननायखौ बुखार हरनो, आसार दाननि सारअन्थाय बारहुंखाआबो हानाय नड आनि मोजां मोननायनि मारुखौ गिसिखाहोनो। बिदिब्ला नोंनि नोमा नोमफाआबि, हागोन आनि नोंनि मोजां मोननायखौ बावगारहोनो हानाय नड रसमि हानाइ नड। लैथो बायदि गुवार आनि मोजां मोननाया, दैमुनि दै बायदि गुसु आनि अन्नाया, बिदिब्ला नोंखौ आं बौरै बावनो रसमि।

मिस रश्मि ब्रह्म
गामि- बंसिगाव (दतमा)
जिला- कक्राझार, बि.टि.सि (आसाम)

सिमांनि अनजालि

बेलारोम जारां साना सारफावो हाइना जेबोला, नोंनि फावदुर खावलायाव लुबैयो गोसोआ आनि सब खुदुमनो अनजालि। हास्थाय सुला गोसोआ आनि अरायबो मोनो लुबैयो नों अनजालिखौ साखाथियाव, नाथाय मोना नों अनजालिखौ थाखोमायो मानो नों गोजानाव? सान हर गोसो खाडो महर मोखों नों अनजालिनि नोंलाय आनि सुदेम सिमांआव बागदावफ्लाडो नाथाय, गोसोआव सिरि मोनब्ला। महर मोखों नों रजेनि प्रोब गोमोर लाडो नों बबावबा गोजोन जायगा लाना। लुबैयो गोसोआ आनि मोकथां महराव नों अनजालिखौ नाथाय फैयो मानो अनजालि निजोम हरनि सुदेम सिमांआववल नुफा माफा मोदायजो जाना गोमोरलाडो नों निजोम हर गेजेराव?

सन्तष बसुमतारि
ला:सो:- सानिपुर, खुंथिं
जिला- चिरां, बि.टि.सि.

अनसायबाय थागोन

बड'सा रादाबाव आं अराय बोथोर लिरबिदां दैथायबाय थागोन आरो अनसायबाय थागोन

रैदोम बर', बाक्सा

बुंस' हालिया

आदि नोंखौ मा बुनानै रायदाव बावनो नोंनि बिखायाव, नोंखौदि आनि गोर्बो गोसोजों अराय सैथोयै मोजां मोनो। आंखौ सोर मिथिनो लाइमोन; आनि जीउनि गांनय उखैनायखौ। सोरदि फोथाय बावगोन जौमोन बैसोनि दुखु जाल्लाखौ। आनि मेगनिनि नोजोराव नोंदि दड जादुगिरि आनि जीउनि सोलेराव नों गेलेफैयो। जायसो गोसो थोलायदों बेसो बुजिदों, जेरावखि थाड नोंनि हायना महरआ जैरिखि साना नोंनि थाखायल' रजे। नोंनि बुनाय रावआ, खालामबाय आंखौ फागला, नोंनि हायना महरा जाहोबाय आंखौ फागला। नोंखौ सानसे नुडाब्ला गोसोया जायो उसाव बादव आजोला जीउआ नोंनि थाखायल' सानफलांबाय थायो। अरायबो नोंखौल' साखाथियाव बजबना लानो सानो आं नोंनि अन्नाय मोनोब्ला बेसेदि मोजां मोनो आं नोंखौ बुंसनो हालिया रजे।

मुसि आनन्दजिद बसुमतारि
गामि- बांगलाबारी,
ला:सो:- दावलाबारी
जिला- कक्राझार, बिटिसि

हायना महर नोंनि

गावदां अखाफोर बायदि नोंनि महर बेसेदि समायना नोंनि बे महरा बावनो हाया नोंनि बे महरखौ रुजु जाया नोंनि अनगा गुबुन रावबो सिखलाया। जिउनि लोगो खालामनो सानो नोंखौनो होनो सानो जिउआव अन्नाय गासिबो नोंनोनो, लाजिगुसु गोसो आनि फोरमाय हाया गोसोनि खोथा नोंनि सिगांआव। मिनिखेरै मिनिनौय नोंनि बेसेदि गोदै, फैयोब्ला नों आनि सेराव गोजोन सुदोम बार बारनो हमो गोसोआव। सोरजिखौ सोर गसाइया समायना नोंनि बे महरखौ.....? बावनो सानब्लाबो बावनो हाला बुरखायनो सानब्लाबो हासथायसुला गोसोखौ बुरखायनो हाला, सान-हर खालि नोंनिल महरा आनि गोसोनि आयनायाव बेरखों फैबाय थायो, नुयोब्ला नोंनि बे महरखौ सोरगोनि मोदाय जो बायदि मोनो। फुरनिमा दावसोरं अखाफोराव जैरि रिथि-रिथा हाथरिखिया जोडेब्ला हाया लोगोसे अखाफोरनिखुइ बांसिन जौथिनानै, बेबायदिनो समाया नोंजों साखाथियाव थाफानो रावबो सिखलाया। सान गोरलै बायदि नोंनि खावलाय जारौ गुस्थि फारौ मेगन, मोजलाय जानिज नुयोब्ला लानो सानो गुरै बिकायाव नोंखौ।

जय चरन नार्जारी
इउएन एकाडेमि, कक्राझार

ट्राम्पआ थिसन्नाय गोदान मन्थि हेगसेथनि रुवाजों गाग्लोबनाय भिडिअ भाइरेल जादों

गोदान दिल्ली, 15 नभेम्बर: आमेरिकायाव हादरगिरि बिसायख थि देरहानायनि उनाव ट्राम्पनि दाजानो गोनां मन्थि आफादखों लानानै मोनसेनि उनाव मोनसे खौराड सोराडव फेदों। बावैसो सिगां ट्राम्पआ बास' सान्थि आरो टिभिनि फावगिरि पिट हेगसेथखों गावनि गोदान सरकारआव रैखाथि नेहाथारि(मन्थि) नि बिबानआव थिसन्दोंमोन। बेराफार्से पिट हेगसेथखों लानानै मोनसे जेना गोनां खौराड सोराडव फेदों। बे खौराड जादों पिट हेगसेथआ सानसेखालि लाइभ टिभिआव सासे सुबुंखों रुवाजों दान्दोंमोन। बे जाथायजों सोमोन्दो गोनां क्लिपआ ससेल मिडियाआव भाइरेल जागासिनो दड। हेगसेथनि लाइभ टिभिआव सासे ड्राम



दामग्राखों रुवाजों गाग्लोबनाय भिडिअआ बे समाव गोखें गोसारदों, जाय 2015 आव एक्स एन्ड फ्रेन्डस सेगमेन्टनि समाव जादोंमोन। बिथानि गाग्लोबनायाव बै सुबुख जिउ गोमादोंमोन। भुगिनांनय ड्रामरनि फासैनिप्रय हेगसेथनि

हेंथायै केस थिसन्नायनि उनाव बे गाग्लोबनाय जाथाया जादोंमोन। मख'जाथावदि, ड्रामर एबा ड्राम दानग्राआ बे गाग्लोबनायाव रैखा मोन्दोंमोन आरो जेबो जोखोमबो जायाखेंमोन। अन्लाबो हेगसेथनि सायाव बियो केस

थिसन्दोंमोन। बेनि उनाव बे केसखों गोदोहोना दोनाय जायो आरो बेनि दासिमबो जेबो खौरां सोराडव फैयाखें। भिडिअखों नुनानै एक्स आरो फेसबुक इउजारफोरा गोबां दुइट आरो रिपस्ट खालामदों, जाय फैनो गोनां सानफोरेव ट्राम्पनि थाखाय गिरिदि जेना जानो हागौ। बेराफार्से मन्थि आफाद दानायनि जेजेराव एलन मास्कखों लानानैबो सुबुंफोरनि गेजेराव गोबां सुंथि सिग्वंदों।

आमेरिकायाव बारहुंखा, दै बाना, अखा आरो हा गिसिखानायखों लानानै एलार्ट फोसावदों

वाशिंटन, 15 नभेम्बर :

आमेरिकायाव माखासे सान सिगां लैथो गिदिखन बारहुंखा हेलेनाआ फ्लरिडा बायदि गिदिर सहरफोराव सिलिंखार लाबोदोंमोन। बेराफार्से, आथिखालाव सोमजिनाय बारहुंखा साराआ गेजेर आमेरिकासिम बारल्लांबाय। बे बारहुंखानि जाहोनाव फोजोबसांग्रा दै बाना, अखा आरो हा गिसिखानाय जाथाय सोमजिनो हागौ होनानै सांग्रांथि फोसावदों। बे बारहुंखाया सा हन्दुरासनि बोरिमायाव सौग्रावफै गोन। साराआ मेक्सिमामे घन्टयाव 40 माइल गोखेंथिजों बार बारगासिनो दड। माहारियारि बारहुंखा मिरुनि सिगां हमदानायाव मेक्सिक'नि सान्जा लैथो सेरनि थागिरिफोरखों बारहुंखाया आमेरिकासिम बारल्लांनयखों नोजोर लाखिनो थाखाय बुंदोंमोन। नाथाय आथिखालाव मिरुनि गनायनाय बायदिक्ला,



बारहुंखाया गेजेर आमेरिका आरो मेक्सिक'नि युकाटन द्विप हान्जासिम बारल्लांनयव लार्से जागोन। मख'नो गोनांदि, साराआ 2024 आटलान्दिक बारहुंखा बोथोरनि 18 थि बारहुंखा। नभेम्बर दानाव बेनि गोखेंथिया खम जालाडो। नाथाय बोथोर सोलायनायनि जाहोना सरासन्हा नडै जानायलाय गुदुं दैनि जाहोनाव साराआ आथिखालाव सोलिफु दाननि थामखि बारहुंखा महर

लादों। हन्दुरास आरो निकारागुआनि माखासे बाहागोफोरनि थाखाय गोखों बारहुंखानि सांग्रांथि फोसावदों। दरनैबो हादतफोराव बारहुंखानि अखाया बृहस्पतिवारखालि जागायो आरो बेलासि जानाय लोगो-लोगो गोखोंयै बार बारगोन आरो शुकबारखालि गोखों जागोन। माहारियारि बारहुंखा मिरुनि बायदिक्ला, बे बारहुंखाया बारनि गोखेंथिखों बांहोगोन आरो सिलिंखार दै

बाना आरो हा गिसिखानायजों लोगोसे गोबां अखा हानो हागौ। सा हन्दुरासनि माखासे बाहागोफोराव 30 इन्चिसिम अखा हानो हागौ। सान्जा मेक्सिक'निफ्राय लानानै निकरागुआसिम गेजेर आमेरिकानि हादतफोराव साराजों 15 इन्चिसिम अखा हानो हागौ। केरैबियान आरो गेजेर आमेरिकानि माखासे बाहागोफोराव नभेम्बर दाननि बारहुंखाजों गोबां ख'हा जानाडो।

इउएननि बोथोर जथुम्मा कप-29 आव भारतनि आबहावा थासारिखों गिथावना फोरमायदों



गोदान दिल्ली, 15 नभेम्बर : इउएननि बोथोर सम्मेलन काप-29 आव भारतआव गुबुंले जाबोनाय आबहावाखों लानानै जिंजा फोरमायदों, जर'खायै दिल्ली आरो बेनि खाथि-खाला ओन्सोलफोरखों लाना जिंजा फोरमायदों। बेनि थाखाय मुलुगनाडै जर'खागिरिफोरा खावलायदों आरो भारतखों बुडोदि, बियो गावनि गोहोखों बाहायनानै एसएलसिपिजों जुजिनगोन। ब्लेक कार्बन, मिथेन, ग्राउन्ड लेबेल अजन आरो हाइड्र फ्लर' कार्बन (एचएफएस) बायदि एसएलसिपिआ आबहावानि

गुणखों गाजि खालामनायजों लोगोसे वार्मि मख'जाथाव जाहोन जानानै फेयो। एशएलपिसिआ ग्रिनहाउस गेस आरो बार गेब्रेनायनि मोनसे जुथाइ, जाय बोथोरव खम समनि गेजेरावको वार्मि एबा दुंखावनायनि गोहोम खोख्लैयो। एसएलसिपिखों खम खालामनायनि सोलोखाथिफोरा भारतखों गेब्रेनाय आरो बोथोर सोलायनायजों जुजिनयाव मदत गोनां फोरमान जानो हागौ। बेफोर बाश्राखों फोरमानयानै इन्सटिटुट फर गर्भर्नैन्स एन्ड सास्टेनेबल

डेभेलपमेन्टनि बिथोनगिरि (इन्डिया प्रग्राम) जेरि अश आरो आफादगिरि डरभुड जेल्केआ बेजों लोब्बा गोनां आयदाफोरखों सोरांआव जेल्केआ फोस्मायदोंदि, आथिखालनि वार्मिआव एसएलसिपिआ खावसे गोहोम खोख्लैयो आरो बेयो बिदुंखों खम खालामनायनि बयनिखुइबो गोखेंसिन राहा। जुदि एसएलपिसिखों सामलायनो हानाय जायोब्ला बिदुंखों सामलायनायाव गोहोम गोनाडै थांखिखों मोनफुनो हागौ आरो गोलाव समनि कार्बन-डाइ अक्साइड ऑखारनायखों खम खालामनो हागोन। आथिखालाव मुलुग दुंखावनाय एबा ग्लबेल वार्मिआ 1.5 डिग्रि सेल्सियस बारल्लांनो हमदों आरो 2024 नि अन्विमया फोरमायोदि, थावैनो बिदुंआ बे सिमाखों बारनो हागौ।

रुदौली, 15 नभेम्बर: आयथ्या-लक्ष्णौ माहारियारि रजा लामायाव शुकबारखालि गिदिर जाब्रबथाय जायो। बे जाब्रबथायाव मेदांता देहा फाहामसालि (लक्ष्णौ) नि लेब टेक्नीसियान आरो गुबुन सानै लाइमोन सिखलाफोरनि जिउ गोमायो। कार्तिक पुर्णिमाखों नोजोर होनानै बिंसोरो लक्ष्णौनिफ्राय आयथ्याआव दर्शन खालामहैनो थांगासिनो दडमोन। फारसेथि जाब्रबथायाव सा 15 दावबायारिफोर जोखोम जायो। बिंसोरनि गेजेराव सानै दावबायारिफोरनि थासारिया जोबोर गोब्राव होना मिबथिनो मोन्दों, जायखों गुदि फाहामथाय होनायनि उनाव जिल्ला फाहामसालियाव रेफर हरनाय जायो। 27 नं. रजा लामायाव

आयथ्या-लक्ष्णौ रजा लामायाव गारिनि जाब्रबथायआव सा 3 सुबुंनि जिउ खह



भेलसर आउटपस्टनि नबिन मन्डि कुढासादात साखाथियाव शुकबारखालि 5 रिंगायाव बे जाब्रबथाया जायो। कुढासादातनि साखाथियाव रुदौली नोगोर थांनारनि दिग्रायनाय लामा दडा बेयावको जोबोर गोखेंथिजों ट्राक गारिया

आयथ्यासिम थांनो गिदिदोंमोन। बे समावनो लक्ष्णौथिनिफ्राय फैयाव थानाय दावबायारिफोरजों आबुं ट्रेभेला गारिया ट्राकआव सौग्रावफैयो। ट्रेभेला गारिया कानपुरनिफ्राय

गारखपुरआव बारात एबा हौवा गोदान लागोखों लाना थादोंमोन। बेयावनि सा 15 बो जोखोम जायो। ट्राक गारियाव ट्रेभेला गारिया सौग्रावनायनि उनाव लक्ष्णौनिफ्राय आयथ्या

थांनाय कारआबो सौग्रावयो। कारआ ट्राक आरो ट्रेभेला गारियाव ओरैबायदि गोखें सौग्रावहैदोंमोनदि, कारनि सा 3 सुबुंफोर जायगायावनो जिउ गोमायो। जाब्रबथायनि उनाव 1 घन्टासिम रजा लामायाव जाम जायो। पुलिसआ खौरां मोना जाथायसालियाव सौफैयो आरो उनाव गंथामबो गारिखों के नजों बोखारो। भेलसर आउटपस्टनि बिबानगिरि मनिष सिंआ फोरमायदोंदि, कारआव साब्रै लाइमोन सेंग्राफोरजों लोगोसे सा 5 सुबुंफोर दंमोन। बिंसोर बयबो मेदांता देहा फाहामसालियाव खामानि मावोमोन आरो आयथ्या दर्शन खालामनो थादोंमोन।

पस्ट अफिसनि मोनसे स्कीमआव दोन्थुमनायनि वांसिन मोन्जो हागोन



गोदान दिल्ली, 15 नभेम्बर: इन्भेस्ट खालामनायनि जेब्ला बाश्रा फैयो अन्ला रैखाथि गोनां इन्भेस्टनि अपसनआव फिक्स्ड डिपजित (एफडि) खों गिबि नोजोर होनाय जायो। आथिखालाव मोनसे रैखाथि गोनां इन्भेस्टमेन्ट अपसनआव पस्ट अफिस स्कीमआबो दंफायो। बेयाव सिक्किडरिजों लोगोसे गेरेन्ट रिटयर्नबो मोनो। बे स्कीमआव इन्भेस्ट रंखाथिआ नैगुन जानायनि गेरेन्थि दड। बेनि ऑथिआ जादों बे स्कीमआव 10 लाख रं इन्भेस्ट खालामोब्ला मेच्युरिटिनि उनाव नैगुन मुलाम्फा एबा 20 लाख रं मोनगोन। बे स्कीमआव 115 दाननि उनाव रड नैगुन जानायनि गेरेन्ट दड। आथिखालाव बे स्कीमआव 7.5 जौखोन्दो सुत मोनगासिनो दड। बेनि सुतखों बोसोरारि हिसाबै सान्नाय जायो। मख'जाथावदि, बिजाथिआ बे स्कीमआव 1,000 रंनिप्रय इन्भेस्टखों जागायनो हायो आरो बेनि मेक्सिमाम लिमिट गैया। अदेबानि बे स्कीमआ 1988 आवनो जागायदोंमोन। बे यजनानि थांखिआ आबादारिफोरनि इन्भेस्ट रंखाथिखों नैगुन खालामनायमोन। जागायजेनायाव बे स्कीमआ आबादारिफोरनि थाखायल'मोन, उनाव बेयाव बयखोंबो इन्भेस्ट खालामनो हानाय जायो। आथिखालाव बे स्कीमआव सिंगेलनि अनगायै जइन्ट एकाउन्टबो खालामनो हानाय जाबाय। बेयाव 10 बोसोरनि गोजौनि उददैफोराबो एकाउन्ट खुलिनो हायो। नाथाय भारतनि नोगोरारिआल' बेनि थाखाय गुन गोनां जागोन।

हिजबुल्लाहआ इजराइलनि सायाव खिथेर लाफिन्दों जेरुशालेम, 15 नभेम्बर: इजराइल आरो लेबानननि गेजेराव दावहाया जोबनानै थांनारनि मुं लायाखें। हिजबुल्लाहनि दाबि दैखांनय बादिक्ला, आथिखालाव बिंसोर तेलअभिभआव तेल हेम सान्थियारि केम्पखों नोजोर होदों, जाय लेबानन सिमनानिफ्राय 120 कि:मि: गोजानआव दड सुलुडाव मिथिहोदों। हिजबुल्लाहनि बुंनय बादिक्ला, बिंसोर बेसखों नोजोर होनो थाखाय माखासे मिसाइलफोर बाहायदों। बेखों लानानै हिजबुल्लाहआ बुडोदि, मिसाइलफोरा इजराइलनि सान्थिनि सान्थियारि संगालि आफादनि। लोगोसे इजराइलनि सान्थिफोरा दासिमबो बेखों लानानै जेबो बिबुंथि होयाखें।

हिजबुल्लाहआ बुंनयबावदोंदि, बिंसोर लेबाननजों लोगोसे सिमना खाथियाव थायाय किर्यत शमना बस्ति आरो गुबुन फोलेरफोरनि फार्से रकेट गावहरो। बेनि सिगां लेबानननि देहा बिफानआ बुंदोंमोनदि, इजराइलनि मोनसे उरां जाहाजजों गाग्लोबनाया बालबेक-हर्मेल गभणरिटाव बालबेक सहरनि खाथि-खालानि नोगोरारि रैखाथि



मिरुखों नोजोर होदों। गाग्लोबनाय समाव सा 20 सोद्रोमाफोर सिडव दडमोन। बालबेक-हर्मेल गभणरआव एक्सआव बे गाग्लोबनायखों लानानै पस्टबो खालामदों। बेनि पस्टआव बुडोदि, साइटनिफ्राय सा 12 सोद्रोमाफोरनि गोथै सह बोखोंदों। नाथाय बायखोन्दा थुखाफोर बोखारनाय हाबाफारिआ दासिमबो सोलिगासिनो दड।

सेमसां गेलेक्सी एस 25 सिरिजआ थाबैनो लन्व जानायनि लामायाव

गोदान दिल्ली, 15 नभेम्बर: सेमसांनि बयनिखुइ फ्लेगशिप सेमसां गेलेक्सी एस 25 सिरिजखों लानानै इउजारफोरनि गेजेराव दानिफ्रायनो प्लानिफोर जागायबाय। बेखों फे गौ बोसोरनि जानुवारी दानाव लन्व खालामनो हागौ। सिगांनि गेलेक्सी एस 24 सिरिजआ 17 जानुवारीयाव लन्व जादोंमोन। आथिखालनि रिपटफोराव बुडोदि, आपकामि सिरिजआबो बेनि खाथि-खालायावनो आगान होफैगोन। भारत आरो ग्ल'बेल मार्केटयाव सिजि नख'यारि बाजार (खोला करिया) निफ्राय सानसे सिगां लन्व जानो हागौ। बे सिरिजखों कम्पनीआ गोबां आपग्रेडफोरजों लोगोसे लानानै फेदों। जर'खायै मेडेल्सयाव



गोबां गोदान फिचारफोर मोनगोन। लन्वनि सिगां बेनि सोमोन्दै जाय डिटेल् मोन्दों, बेनि सोमोन्दै बेयाव फोरमायगोन। मोनसे लेस्टे रिपटनि बायदिक्ला, गेलेक्सी एस 25 सिरिजआ 23 जानुवारीयाव लन्व जागोन आरो टिपस्टार मेक्स जाम्बरनि दाबि दैखांनय बायदिक्ला, फ्लेगशिप सिरिजआ 22 जानुवारीयाव फे गोन।

सेमसांआ 5 जानुवारीनिफ्राय सिरिजनि थाखाय प्रि-रिजाभेशनखों जागायनो हागौ। बेनि थाखाय कम्पनीआ केलिफर्नियाआव इभेन्ट खुंनो हागौ। सुलुंनि बायदिक्ला, गेलेक्सी एस 24 सिरिजनि इभेन्ट सेन जसआ केलिफर्नियाआव जादोंमोन आरो एस 23 सिरिजनि इभेन्टआ सेन फ्रांसिस्क् केलिफर्नियाआव जादोंमोन।

साखि मावग्रा मावसुमाफोरनि गोजोन्नाया थासारिनि सायाव सोनारो: रिपट



बाहागो लानाय 63 जौखोन्दोनिखुइ बांसिन मावसुमाफोर बुडोदि,

बिंसोर दैदेनगिरिफोरनि बाखायनायखों गोनांथि होसिनो, जाय गोसोनि बोलोखों बांहोनायावबो मख'जाथाव बिफाव लायो। रिपटनिफ्राय मिबथिनो मोनोदि, भारतआव 63 जौखोन्दोनिखुइ बांसिन मावसुमाफोरा खामानि मावनाय जायगायाव गावनि सिनायथिखों हास्थायो। 62 जौखोन्दो मावसुमाफोर बुंदोंदि, जेब्ला बिंसोरनि टीमआ गावसोरनि खामानि मावनायखों बाखायो अन्ला बिंसोर बांसिन खुसि जायो। बे रिपटआ हादतनाडैनि सा 3,005 सुबुंफेरनि इन्टरभिर्नि सायाव विश्वा खालामनाय, जायफेरनि गेजेराव 30 जौखोन्दोआ सि-सुट मावसुमामोन आरो 70 जौखोन्दो मावसुमाफोर दडमोन।

रुंसारि अलिन्द्र कुमार मुसाहारिनि मान बाउनाय हाबाफारि, जिउ गैयै सह 'खौ लानानै हान्जा सुरदों

अरडव दुखुनि थासारि सोमजिदों। मख 'नो गोनांदि, गुवाहाटीनि शइमाइलयाव थानाय जिएनआरसि देहा फाहामसालियाव गोबाव समनिफ़्रायनो बेरामजों सन्देर जानानै फाहामथाय लाबाय थानाय समाव बिथाड मैया जोबथा हां बोदोंमोन। दिनें शकुबारखालि बिथानि गोथै सह 'खौ अरंगि गावनि न'आव लाबोनाय जादों। बिथानि सह 'खौ न'आव लाबोनायनि उनाव बारग' मन्शिरि रहिन दैमारि, एमएलए चरन बर', बारग' एमएलए रसेखर ब्रह्म, बारग' मावफुं सोद्रोमा श्याम चुन्डि, एमसिएलए प्रेस मुसाहारि, बिपिएफनि जिल्ला लेडइ आफादगिरि रबिनसन मुसाहारि, बिजेपिनि दैदेनगिरि जितु किसान मोनजों लोगोसे माखासे गागि बिपिएफनि दैदेनगिरिफोर न'आव नुजाथि फैनानै जोबथा मान बाउफैदों। लोगोसेनो दिनें रुंसारि अलिन्द्र कुमार मुसाहारिनि जिउ गैया सह 'खौ लानानै गेदेर अरं ओन्सोलयाव लामा हान्जा सुरनाय हाबाफारिबो खुंनाय जादों। बिटिसि दाफुंजेनाय समनिफ़्रायनो बिथाड 40 नं. रौटा बियाबनि एमसिएलए जाबोदोंमोन। मख 'नो गोनांदि, बिथाड दुलाराय बर' फरायसा आफादनि सासे सांग्रं दैदेनगिरि महरै खामानि मावदोंमोन। लोगोसेनो माखासे बर' माहारियारि आफादनि जानानै दैदेनगिरि महरै हाबा मावबोदोंमोन। रुंसारि जानाय समाव साथाम फिसाजोचों लोगोसे बिसि आरो आंगोनि सुबुंफोरखौ बे संसारनिफ़्राय नागरलाडो। अलिन्द्र कुमार मुसाहारिआ 2015 माइथायाव बिटिसि गौथुमनि खाजोना आरो हाथाइ बिफाननि मावफुं सोद्रोमा महरैबो बिबान सामलायदोंमोन। अलिन्द्रनि गोथै सह 'खौ बिथानि जोनोम जायगा धुबगुरि गामियाव जोबथा बिदाय होनाय जादों। बारग' एमसिएलए अलिन्द्र कुमार मुसाहारिनि रुंसारि जानायखौ मान होनायखौ अरं फालांगि आफादआ फुंनि 7:00 रिगानिफ़्राय 10:00 रिगामिसि गासैबो फालांगि फसंथानखौ बन्द' खालामनानै मान बाउदों।

आदिबासिनि हानि मोन्थाइ, जनजाति जानायनि दाबि

लोगोसे माखासे अन्जिमानि आदिबासि आफादनि दैदेनगिरि आरो जर'खा सुबुंफोर मुंख्तं बिरशा मुन्डानि मुसुखा सावगारियाव मान बाउयो। फारसेथिं, सानाव बायदि गेलेमु, सौनाय-फिन्याय बादायलायनाय, मोसान बादायलायनाय खुंनाय जादों। बेलासिनिफ़्राय आदिबासिखौ जनजाति खालामनाय आरो हा-हुनि जैना सुख्नायनि सायाव सावरय मेल आरो गेबलां मेल खुंनाय जादों। मेलयाव दुलाराय आदिबासि फरायसा आफादनि बारग' मिरु फोसावदि नेहाथारि मानसुख शानखारिका, आदिबासि फरायसा आफादनि मिरु रंगिरि रन्जित उरं, बाक्सा जिल्ला आफादनि आफादगिरि बिस्वनाथ कुजुर, बासबारि आन्सलिक आफादनि आफादगिरि एसाउ एम हेमरमजों लोगोसे माखासे आदिबासि आफादनि दैदेनगिरिफोर आदिबासिफोरनो हानि पाट्टा आरो हानि मोन्थाय गथायनाय, आदिबासिनि जनजाति जानायनि जैनाखौ सुख्नायनि दाबि दैखाना बिबुंथि लाखिदों। बिरशा मुन्डानि जोनोम सान आरो आदिबासि गोग्गाथाव सानाव आदिबासि हारिमु, आदिबासिनि खुगा मेथाइ बायदिफोरखौबो दिन्थिदों माखासे आरिमुगिरिफोर।

तामुलपुर जिल्ला खुंथाया 'जनजाति गोग्गाथाव सान' हाबाफारि खुदों

फरासालिनि गेलेमु फोथाराव खुंनाय गौमायाव बिरशा मुन्डानि सावगारियाव आलारि बाथि फोजोंनाय आरो बराय बिबुंथि लाखिदों जिल्ला कमिसनार पंकज चक्रबर्तीआ। हाबाफारियाव आलासि महरै बिटिआरनि मावफुं सोद्रोमा धर्म नारायण दास, एमसिएलए हेमन्त कुमार राभा आरो लेडइ जिल्ला बेंगिरि ७ दिपांकर नाथमोनहा नुजाथि फैदों। मावफुं सोद्रोमा धर्म नारायण दासआ गावनि बिबुंथियाव जोहोलाउनिमिस मान बाउहरदों। बिटिआरनि गासै हारिनि गेजेराव गोरोबलायनाय दाफुंनानै दरसे गोजोन बिटिसिनि थांखियाव सौहेगोन होना बिथाड मख 'दों। एमसिएलए हेमन्त कुमार राभायाबो माहारियारि जोहोलाउनि 150थि जोनोम साननि गोथार गोसोखांथियाव दिनें हादतआ जनजाति सान महरै फालियो होना गुवारै गोग्गाथिथियो। फारसेथिं, गुबुन गुबुन सोल्लोंथाइ फसंथानफोरनिफ़्राय फैनाय फरायसाफोर जनजाति गोग्गाथाव सानखौ लोब्बा लाखिनानै हारियारि सुबुं मोसानाय हाबाफारि दिन्थिदों। आबाद, समाज अन्साय, देहा सिबिथाय, मोक्लिब बायदि माखासे बिफनफोर दिन्थिफुंनाय हाबाफारि खुंनानै रइजो-रजाफोरनि गेजेराव सरकारि बिथांखिफेरनि सोमोन्दे सांग्रं जाहोनो नाजादों। हाबाफारियाव लोगो कमिसनार कविता पांसु, अनुपम डेक्का, सार्केल बिबानगिरि एलिमा कान्दुलना, दख'ग सोल्लोंथाइ बिबानगिरि अन्साइरुंग्र ब्रह्मजों लोगोसे माखासे बिफननि बिबानगिरि-मावसुमाफोर बाहागो लाफैदों।

बजालि जिल्ला सत्र महासभाया 'सत्रिया हारिमु सान' खुदों

आवहावाखौ साखोन-सिखोन मावफुंनाय हाबाफारि खुदों। बेनि उनावनो आसाम सत्र महासभानि फिर्फिला बिरहोयो बजालि जिल्ला सत्र महासभानि आफादगिरि धिरेन्द्रनाथ बर्मनआ। मुंख्तं मान बाउनाय हाबाफारिखौ सेवक संघनि आफादगिरि अनादि महन दासआ बेखेवना होयो। बिफां-फुलि गायनायखौ बजालिनि ग्रीन मिसननि आफादगिरि आनान्द खातनियारआ बेखेवना होदों। सान्जोंफुनिफ़्राय धिरेन्द्रनाथ बर्मननि आफादगिरि मासि सालायनाययाव खुंनाय गेबलां मेलयाव गाहाइ आलासि महरै बिबुंथि लाखिदों आसाम सरकारनि केबिनेट मन्शिरि रन्जित कुमार दासआ। मन्शिरि रन्जित कुमार दासआ गावनि बिबुंथियाव महापुरुष श्रीमन्त शंकरदेबनि सत्रिया हारिमु, आसामनि नामधर, सत्र, मन्दिनि रैखाथिनि बिथिडव आसाम सरकारजों लोगोसे आसाम सत्र महासभानि बिफाननि सायव बिबुंथि लाखियो। मेलयाव भत्तेब मुलुगमोलोसालिनि आजिय मोन्नाय लोगो बिबुंथि गिरि रिहन्त तालुकदार आरो बजालि जिल्ला परिषदनि बारग' आफादगिरि रन्जित शालैआ जर'खा आलासि महरै बाहागो लाफैना बिबुंथि होनायजों लोगोसे थांखि जानाय बुंथिगिरि महरै बिबुंथि लाखिदों आसाम सत्र महासभानि बारग' लेडइ आफादगिरि उड्डव चन्द्र दासआ। मेलयाव गाहाइ लाइसि 'सत्र्ज्यति' खौ बरपेट जिल्ला साहित्य सभानि आफादगिरि गिरिधर चौधुरीआ बेखेवना होयो। मोनाबिलियाव आलारि बाथि फोजोंनायजों लोगोसे हराव हारिमुवारि हाबाफारि खुंनाय जादों। मख 'नो गोनांदि, सत्रिया हारिमु सानाव जायगानि आरो हंखायजानाय आरिमुगिरिफोर सत्रिया हारिमु आरो असमीया सुबुं हारिमु दिन्थिदों।

कक्राझारआव फैगौ 17 नभेम्बरआव माहारियारि थाखोनि माराथन बादायलायनाय खुंगोन

खालामगासिनो दं। मख 'नो गोनांदि, माराथन बादायलायनायखौ लानानै दिनें मोनाबिलियाव बान्जाय आफादा कक्राझार साइ स्टेडियमनि सावरय न'ब्लाडव मोनसे खौरंगिरि मेल खुडो। बिटिसिनि गेलेमु बिफाननि मावफुं सोद्रोमा दाडबायसा बर', जिल्ला बेंगिरि माचान्दा पार्टिनि आरो एनसिसिनि कानैल अरुन प्रकाश आगरखालाआ खौरंगिरि मेलवा फोरमायनाय बादिब्ला माराथन बादायलायनायाव हादतनि गुबुन गुबुन राइज्योनि से रोजानिबो बांसिन एनसिसि केडेटरफोर बाहागो लागोन। बेनि अनगायैबो एनसिसिनि केडेटरफोरजों लोगोसे हादतनि गुबुन गुबुन राइज्योनि 3-4 रोजानिबो बांसिन बादायगिरिफोर बाहागो लागोन। कक्राझार साइ स्टेडियमनिफ़्राय जागायजेनो गोनां माराथन बादायलायनायाव गाहाइ आलासि महरै राइज्योनि गेलेमु मन्शिरि नन्दिता गाल्लासा बाहागो लागोन। बिटिसिनि गाहाइ मावफुं सोद्रोमा प्रमद बर'जों लोगोसे रैनिया हान्जानि माखासे गोजौ थाखोनि बिबानगिरिफोरबो बे बादायलायनायाव बाहागो लागोन होन्नानै बान्जाय आफादा फोरमायो। मख 'नो गोनांदि, माराथन बादायलायनायखौ मोनथाम खोलोबाव खुंनाय जागोन। 21.1 किल 'मिटर, 10 किल 'मिटर आरो 5 किल 'मिटरनि मोनथाम दालाइयाव खुंनो गोनां माराथन बादायलायनायाव देहानाय बादायगिरिफोरनो 15 लाखनि नोगोद रंनि बान्था होनाय जागोन।

शिबसागराव सोमोनांथाव जाथार, 12 बोसोर वैसोनि गथ'साखौ लांखारदों

लांखारनायाव लोब्बा थानाय संप्रानि बेंखननिफ़्राय गथ'साया खारखोमानानै रंघर सायियालिआव फैनो हादों। नख 'रनि सुबुंफोर जायगारि रइजो-रजाफोरनि हेफाजाबाव लांखारनाय खामानिनि गाहाइ दायनिगिरि रिंकु आहमेदखौ हमनो हायो। बे जाथायखौ लानानै ओन्सोलयाव दुंहाव थासारि सोमजिदों। रइजो-रजाफोर रिंकु आहमेदखौ देहायारि गाग्लोबनानै जयसागर पुलिसनो गथायनानै होयो। मख 'नो गोनांदि, नख 'रनि सुबुंफोर मैया हरावनो जाथायनि सोमोन्दे कैस थिसन्दोंमोन।

भवानिपुराव गिबि मन्थिनि आरज़ निधिनि सा 300 बेराम जानाय सुबुंफोरनो चेक गथायदों

भवानिपुर बिधान सभा बियाबनि गुबुन गुबुन ओन्सोलनि बायदि बेरामजों सन्देरजानाय गासै सा 300 बेराम जानायफोरनो फाहामथायनि थाखाय गिबि मन्शिरि आरग्य निधि बिथांखिनि सिडव धोननि चेकखौ गथायना होयो। बेरामजों सन्देरजानाय सुबुंफोरनि गेजेराव एमएलए फनिधर तालुकदार चेकफोरखौ गथायना होयो। चेक गथायनानै बिथाड गिबि मन्शिरि ७ हिमन्त बिश्व शर्मानि दैदेनायाव आसाम सरकारआ बेराम जानाय सुबुंफोरनि थाखाय, सुबुं सम्पद रैखाथिनि थाखाय मावफुंनाय बिथांखिनि सायाव बिबुंथि लाखिदों।

राज भवन आसामआ झारखन्डनि गायसन्थाय सान फालिदों

हारिसायारि दैदेनगिरि उदांखि सोमावसारगिरि भगवान बिरसा मुन्डानि सावगारियाव राज भवननि मावख 'गिरि आरो मावफारियाफोर बिबार बाउनानै मान होयो। अएसडि, चेन्सेलरनि सेक्रेटारियेट कविता डेकाया बे फालिथाइयाव बिबुंथि लाखियो। बिथांङ बुडोदि बे फोर्बोंआ भारतनि जौगानाय आरो दावगानायाव गुबुन गुबुन राइज्योफोर आरो जुथाइ हायुं आवथाफोरनि बिहोमाखौ गनायनानै भारताव खौरसैथि आरो बायदि रोखोमनि गोनांथिखौ दिन्थियो। बिथाङ बुडोदि बे सान्खौ झारखन्ड गायसन्थाय सान महरै फालिनाय जादों, जाय धोनि हारिमुवारि उन्मोनथाइ, रुजुजायै दोरों आरो भारतनि जौगानाय आरो दावगानायाव झारखन्डनि सुबुंफोरनि बिहोमाखौ दिन्थियो। बे फालिथायाव झारखन्डनि थाद्रेफोरबो बिबुंथि लाखियो।

67थि तामुलपुर रास फोर्बोंआ जागायजेनवाय

मन्दिनि फिर्फिलाखौ बिरहोयो तामुलपुर आन्सलिक हरि मन्दिनि आफादगिरि गिरिशि चन्द्र महन्तआ। धोरेमारि फिर्फिलाखौ बान्जाय आफादनि मावफुं आफादगिरि ब्रजेन्द्रनाथ डेकाया बिरहोयो। गोसोखां मान बाउयो आसामनि बारग' मन्शिरि पधुम बाहादुर सौहान आरो आरिमुगिरि देवन पाटकमोनहा। मोनाबिलियाव गाहाइ गेटखौ तामुलपुर जिल्ला बेंगिरि पंकज चक्रबर्तीआ बेखेवना होयो। मोनाबिलियाव रास फोर्बों खुंनाय जायगाखौ बेखेवना होयो बिटिसि सायख 'जानाय सोद्रोमा हेमन्त कुमार राभाया। मन्दिनि दर्जाखौ बेखेवनायनि उनावनो आलारि बाथि फोजोंनाय, उजापालि बन्दना आरो फुजा सिबिथाय बाउनाय हाबाफारिया जागायजेनो। 7 सन नाइँ गेदेर हाबाफारिजों खुंजानाय रास फोर्बों खुंनाय जायगायाव आइजोफोरनि दिहानाम, आइजोफोरनि नागरा नाम, मोसानाय बादायलायनाय, खुगा मेथाइ, भुपेन्द्र देंखो, सत्रिया मोसानाय, भावना दिन्थियायजों लोगोसे सानफ्रेमबो हारिमुवारि मोनाबिलि हाबाफारि खुंनो साखा-फराज जादों। हारिमुवारि मोनाबिलियाव सानफ्रेमबो देंखो रोजाबफेगोन आसामनि मुंदांखा देंखोगिरिफोर। रास फोर्बोंनि गासै हाबाफारियावनो रइजो-रजाफोरनि हेफाजाब हास्थायदों बान्जाय आफादनि आफादगिरि जलेन दैमारि, मावफुं आफादगिरि ब्रजेन्द्रनाथ डेका आरो गाहाइ नेहाथारि दमन पाट्टारिसोनहा।

गवालपारायाव गिख्रंथाव लामानि

जाब्रबथायाव साथाम सुबुंनि जिउ खहा

गोमायो। थैनायफोरनि गेजेराव सानै आइजो आरो सासे उन्दै गथ' दंमोन होन्नानै मिथिनो मोन्दों। जाथायाव जिउ गोमानाय सुबुंफोरनि मुख मिना राभा, कृत राय आरो मन्जु राय। मिना राभाआ सालायनाय साखा खबन्ने गारिया हरखाबै सामब्लायथाय खोमानानै लामानि गुबुन फारसेजों फेबाय थानाय गंसे दावबायारि रोगानाय बासआव मोगौ-मोगि सौग्रावहैयो। जाउनाव साखा-खबन्ने गारियाव थानाय साथाम सुबुंनि जिउ गोमानायजों लोगोसे बासआव थानाय माखासे सुबुंफोराबो जोखोम जायो होन्नानै मिथिनो मोन्नाय जादों। जाथायनि बागे खौरं मोन्नानै गवालपारा पुलिसआ जाथायथिलियाव नुजाथिहैयो आरो जाथायनि सायाव नायबिजिरनायखौ जागायजेनो। बेनि सिगाडव थांनाय बुधबारखालि गवालपारायाव गंसे ट्राक आरो गंसे मटर साइकेलनि गेजेराव मोगा-मोगि सौग्रावनाय जाथायाव सानै सुबुंनि जिउ गोमादोंमोन।

कानाडानि सि प्लेननि दिन्थिफुंथाय बाख्लायनाय हाबाफारियाव जयन्त मल्लबुरवाआ बाहागो लादों

सोदांजानाय लैथोयारि उरंआ लकप्रिय गपिनाथ बरदलै हारिमायारि उरं गाथोननिफ़्राय दिनें फुडव बिरदोंमोन। अखाडव दान्दिसे सम थानायनि उनाव गुवाहाटी पान्डु गाथोनाव जाफुंसार महरै बाख्लायो। सि प्लेननि जाफुंसार आन्जानि उनाव बिथाड बेनि सोमोन्दै बुडोदि, दिनें आसामनि थाखाय मोनसे जर'खा सान। आसामाव गिबि खेबनि थाखाय सि प्लेनआ बाख्लायदों। बेयो जौनि थाखाय रंजानायनि सान। आन्जादआरि महरै दिनें सि प्लेनआ बक्षार उरं गाखोननिफ़्राय पान्डु गाथोनिसिम सालायनानै बाख्लायदों। बिथाड बुडोदि, बे सि प्लेनआ बेसेबां थाबैनो अपारसेनेल थाखोसिम लाबोनो हायो बेनि थाखाय नाजादोन। लोगोसे सरासनस्रायै हादतआव लैथोयारि उरंआ दिनेंसिमबो लैथियावबो बाहाय जादोंमोन होन्नानै मन्शिरिआ मिथिहोयो। दिनें गिबि खेबनि थाखाय बुर्लुबुधुर दैसायाव लैथोयारि उरंनि बाख्लायनाय आन्जाद खालामनाया मोनसे जारिमिनारि सम होन्नानै बिथाड बुडो। मन्शिरिआ बुडोदि, हादतआव सि प्लेनआ गिबि खेबनि थाखाय दैमायाव बाख्लायदों। बेनि सिगां लैथोयाव बाख्लायदों एबा गुबुन जायगायाव बाख्लायदों, नाथाय दिनें सि प्लेनआ गिबि खेबनि थाखाय दैमायाव बाख्लायदों। बेनिखायनो बेयो जौनि थाखाय रंजाथाव बाश्रा। बे सि प्लेनआ आसामनि हान्थामेला रहा आरो दावबायथाय बिथिडव मोनसे गिदरि सोदांनाय। बे सि प्लेनखौ जुदि जों काजिरड, उमरंसु, माजुलि, डिब्रुगड बायदि जायगासिम सालायनो हायो अब्ला आसामनि गासैबो हान्थामेला रहाया एबा दावबायथायनि बिथिडव गोबां दावगागोन। मन्शिरिआ बे सि प्लेननि जाफुंसार आन्जादनि उनाव रंजानाय फोरमायो। बेनि थाखाय बिथाड हान्थामेला बिफान आरो दावबायथाय बिफाननिमिस साबायख'र जासिहरो।

हादतनि राजथावनि गोदान दिल्लीआव रंगिना-संगिना हाबाफारिजों खुंजागासिनो बड'लेण्ड महत्सभ-2024

आं बर'फोरखौ आंगो बायदि मोनदों। 4 बोसोरनि उनाव दिनेंसिमबो आं बिसोरनि अन्नाय, सिबिनायखौ आरो बोजबनायखौ गोसोआव दं। बे समाव आं जाबायदि थासारि नुदोंमोन, दिनें गासैबो नोंथांमोननि थुलुंगानाय आरो खुसिनि मोखां नुनानै गोजोन्नाय मोन्दें। बेयो बड'लेण्डनि इयुन गोजोन दावबायनायनि जागायनायनि मोनसे दिन्थि। नोंथांमोननि खुसि आरो गोजोनखौ नुनानै बेसेबां गोजोन मोन्दें बेखौ बुंस'हाया। मोनसे समाव हिंसा आरो दुंहाव थासारिजों सोलिबोनाय थासारिया दिनें गैला। बिमा आरो नख 'रखौ नागरनानै जौनि लाइमोनफोरा आखायाव हाथियार लानो थाडमोन। बिमा आरो नख 'रखौ नागरनानै हाग्रायाव थाहैनाया बिमानि गोबर्बोंआव बेसेदि दुखु मोनखंहोयो बेनि मोन्दांथिखौ बिमाफोरासो मिथियो। नाथाय गावनि फिसाज्जलाय खाथियाव फैफिनोब्ला बिमाया बेसे खुसि जायो, बेखौ थांनाय ब्रै बोसोराव बड'लेण्डनि बिमाफोरनि मेगनाव नुनो मोन्दें। बर' गोजोन गोरोबथाया बर'फोरनि थाखायल' जायाखै, अदेबानि गुबुनफोरखौबो लामा दिन्थिदों। बे गोरोबथाया दुलाराय सा-सान्जायवनो गोजोन गाइसन्दें। बे गोरोबथानि गेजेरजों आसामआवल' नख, 10 रोजानि बांसिन लाइमोनफोरा हाथियार नागरनानै गोजोननि लामायाव फैदें। बेनो गोजोन आरो जौगानायनि मोनसे नेरसोन होन्नानै गाहाइ मन्शिरि मदिआ फोरमायो। बिथाड बर'फोरनिफ़्राय सोल्लोंनो थाखायबो गुबुनफोरखौ खावलायनानै हाथियार नागरनानै गोजोननि लामायाव फैनो खावलायो। बिथाड गावनि बिबुंथियाव फोरमायोदि, मिरु आरो आसाम सरकारआ बड'लेण्ड जौगानायनि थाखाय 1500 कौटि रं हरदों आरो आसाम सरकाराबो स्पेसियेल पेकेज हरदों। बि टि आर गोजोन गोरोबथानि उनाव बड'लेण्ड जौगानायनि थाखाय मिरु सरकार आरो आसाम सरकारा खामानि मावबाय थादों। माखासे बोसोर सिगां हाथियारनि ओन्सोला दिनेनि सानाव गेलेमुनि थावनि जादों। बड'लेण्ड आव नैथि खेब डुरान्ड काप जानानै थांबाय आरो मुलुगनां थाखोनि थुनलाइ फोर्बों खुंनाय जादों। बड'लेण्ड फोर्बोंनि लोब्बायै बर'हारिनि जि आइ टेक मोन्नाय मुवा बेसाद, दोरोडारि गानग्रा-जोमग्रा, जाग्रा-लोग्रा मुवा बेसादफोर दिन्थिफुंनायखौ नायगिदिनायनि गेजेरजों जि आइ टेक मोन्नाय बर' हारिमुनि माखासे मुवा बेसादफोर जेरै- बर'नि आर'नाय, गामसा, जौ गिसि, खाम बायदि मुं मख 'नानै मुलुगानि जेरावखि थाडामानो बर'नि हारिमुजों लोब्बा दड होन्नानै फोरमायो। बिथाड गाबोन बर' थुनलाइ साननि थाखायबो साफ्रोमबो बर'फोरनिमिसि हामलायथि जासियो। गाहाइ मन्शिरिआ गावनि बिबुंथियाव बड'लेण्डनि मानास नेशनेल पार्क, रायमना नेशनेल पार्क, सिखनाझार नेशनेल पार्कखौ रायखानानै बड'लेण्डआव टुरिजिमनि जौगानाय लाइमोनफोरनि थाखाय खामानि थिसननायाव मुलाम्फा जादों। गाहाइ मन्शिरिआ बर'नि माखासे गेदेमाफोरखौ रायखानानै बुडोदि, बड'फा उपेन्द्रनाथ ब्रह्मआ माहारिनि थाखाय गोबां खामानि मावलादों। भारतनि बिसायख 'थि आयगिरि जानाय हरिसंकर ब्रह्म, मेघालायनि राइज्यो बेंगिरि जानाय रन्जित शेखर मोसाहारी बिथांमोनहा बर'नि मुंखौ लाखिदों। जौनि सरकारआ सा-सान्जायाव अययथा गोजोन आरो जौगानायनि थाखाय थाद'नाय गैयै नाजागासिनो। बर' गोजोन गोरोबथाया जाय लामा दिन्थिबाय बेयो दुलाराय सा सान्जानि थाखाय गोजोननि लामा दिन्थिदों। फैबाय थानाय समाव बर'फोरनि सिमां-मिजिंखौ जाफुंहोनायनि थाखाय गसंनायाव जों जेब्लायबो उन जानाय नख होन्नानै गाहाइ मन्शिरि मदिआ गावनि बिबुंथियाव फोरमायो। बि टि आरनि गाहाइ मावफुं सोद्रोमा प्रमद बर'आबो गावनि बिबुंथियाव आरो आथिखालनि मिरु सरकारआ हादतनि थागिबि ट्राइबेल हारिनि थाखाय गोबां खामानि मावगासिनो थानाय आरो बि टि आर गोजोन गोरोबथा खालामनानै होनायनि गेजेरजों बड'लेण्ड हालामाव अरायथा गोजोन थासारि लाबोनायनि थाखाय गाहाइ मन्शिरिनिमिस साबायखर जासियो। बर'फोरा जेब्लायबो गाहाइ मन्शिरिजों लोगोसे थागोन होन्नानै गावनि बिबुंथियाव फोरमायबावो बि टि आरनि गाहाइ मावफुं सोद्रोमा प्रमद बर'आ। दुलाराय बर' फरायसा आफादनि आफादगिरि दिपेन बर'आबो बराय बिबुंथि लाखिनायनि गेजेरजों हादतनि गाहाइ मन्शिरि नरेन्द्र मदिनि दैदेनायाव थांनाय 2020 इं माइथायनि 27 जानुवारीआव जालानाय बि टि आर गोरोबथानि गेजेरजों बर'फोरनि गेजेराव अरायथा गोजोन गाइसन्नाय आरो बर' माहारिखौ जौगानायनि फारसै खामानि मावनायाव हेफाजाब होनायनि थाखाय गाहाइ मन्शिरि नरेन्द्र मदिनिमिसि साबायखर जासियो। दिनेंनै बे फोर्बोंआव हंखायनाय बायदिथै बाहागो लाफैनायनि थाखायबो गाहाइ मन्शिरिनिमिसि साबायखर जासियो। मख 'नाय जायोदि, बर'नि राव, हारिमु आरो थुनलाइखौ मुलुग दरबारआव गोसारहोनायनि थांखिजों दुलाराय बर' फरायसा आफाद, बर' थुनलाइ आफाद, बर' हारिमु आफाद आरो गान्धी हिन्दुस्तानी साहित्य सभानि जुथायै बान्जायनायाव बि टि आर सरकारनि हेफाजाबजों हादतनि राजथावनि गोदान दिल्लीनि साइ इन्द्रना गान्धी स्टेडियमआव साननैनि हाबाफारिजों बड'लेण्ड महत्सभखौ खुंनाय जादों आरो बे फोर्बोंआ दिनेनिफ़्राय जागायबाय। दिनें गिबि साननि हाबाफारि बायदिथै फुंबिलि समाव एबसु, बर' थुनलाइ आफाद, दुलाराय बर' हारिमु आफाद आरो गान्धी हिन्दुस्तानी साहित्य सभानि फिर्फिला बिरहोनाय आरो माहारिनि बिफा महात्मा गान्धी आरो बड'फा उपेन्द्र नाथ ब्रह्मनि मुसुखायाव बिबार बाउनाय हाबाफारिया जानानै थाडो। एबसुनि फिर्फिलाखौ बिरहोयो आफादगिरि दिपेन बर'आ। लोगोसे बर' थुनलाइ आफादनि फिर्फिलाखौ बिरहोयो आफादगिरि ७ सुरत नार्जारि, दुलाराय बर' हारिमु आफादनि फिर्फिलाखौ बिरहोयो बिजुयेल नेलसन दैमारि आरो गान्धी हिन्दुस्तानी साहित्य सभानि फिर्फिलाखौ बिरहोयो रमेश भरद्वाज बिथाड। माहारिनि बिफा महात्मा गान्धी आरो बड'फा उपेन्द्रनाथ ब्रह्मनि मुसुखायाव बिबार बाउजेनो बि टि सि एल एनि बुंथिगिरि कातिराम बर', एबसुनि बारग' आफादगिरि आरो सि एस बिनि मासिगिरि दिपक बसुमतारी बिथाड। दिनें गिबि साननि हाबाफारि बायदिथै दाहाय बेलासिनि 4:00 रिंगायाव बड'लेण्डजों लोगोसे आसाम आरो भारतआव थानाय गुबुन गुबुन हारि माहारिनि हारिमुवारि दिन्थिफुंनाय जायो। गाहाइ मन्शिरि नरेन्द्र मदिआ बर'नि जि आइ टेक मोन्नाय गुबुन गुबुन मुवा-बेसाद, जाग्रा आदार, दोरोडारि गानग्रा-जोमग्रा, दामुजुवारि मुवा बेसाद बायदिनि दिन्थिफुंनायखौबो नायगिदिदों। दिनेनि हाबाफारियाव आसामनि राइज्यो बेंगिरि लक्ष्मन प्रसाद आचार्य, आसामनि केबिनेट मन्शिरि उर्खाव गोरा ब्रह्म, राइज्यो सभानि एम पि रोमगोरा नार्जारि, लक सभानि एम पि जयन्त बसुमतारी, बर' थुनलाइ आफादनि आफादगिरि ७ सुरथ नार्जारि आरो बि टि आरनि मावफुं सोद्रोमाफोरजों लोगोसे बर'नि गुबुन गुबुन माहारियारि आफादफोरनि दैदेनगिरिफोर, मेलेमजिबिफोर आरो बड'लेण्ड, आसामनि गुबुन गुबुन जिल्ला, नेपाल आरो सोनाब बंग राइज्योनि खमैबो सा 5 रोजानिबो बांसिन बर' राइजो-रजाफोरा बाहागो लादों।

भवानिपुरनि कठालमुरिघाट, उजान बरबरि, मयनामतियाव रास फोर्बोंआ जाहायजेनवाय

उनावनो रास मन्दिनि गेटखौ बेखेवना होयो रास फोर्बों बान्जाय आफादनि आफादगिरि मृगेन कलिताया। हराव मुसुखाफोरनि गेटखौ बेखेवनाय, गेट बेखेवनाय, आलारि बाथि फोजोंनाय, फुजा सिबिथाय, भागवत फरायथिनाय, हम ज्ञय बायदि हाबाफारि खुंनाय जादों। साननि समाव रास फोर्बों खुंनाय जायगायाव गाहाइ आलासि महरै बाहागो लाफैदों बारग' इन्जिनियार-लिरगिरि नुकुन्ज कुमार दासआ। गुबुन फारसे, भवानिपुर बियाबनि उजान बरगरियावबो सानबानि 78थि रास फोर्बोंखौ दिनें मोनाबिलियाव रास फोथारनि गाहाइ गेटखौ भवानिपुर बिधान सभा बियाबनि एमएलए फनिधर तालुकदारा बेखेवना होयो। बेनि उनावनो रास मन्दिनि दरजा बेखेवनाय आरो मुसुखा गायसनो फारियै- जर'खा समाज सिबियारि, बिकाश महन्त आरो लंकेश्वर कलिताया। मख 'नो गोनांदि, आसाम थामोन्था रैखाथि सोमावसारनायनि गिबि मुंख्तं खर्गेश्वर तालुकदारनि न' गामि उजान बरबरिनि रास फोर्बों खुंनाय जायगायाव मोनाबिलिनि 7:30 रिंगायाव मुंख्तंनि सावगारियाव मान बाउयो आसाम आबाद मुवा-बेसाद आरो फालांगि गौथुमनि आफादगिरि मनज बरुवा आरो बरग' इन्जिनियार-लिरगिरि निकुन्ज कुमार दासआ। हराव दिहानाम बादायलायनाय हाबाफारि खुंनाय जादों। साननि समाव फिर्फिला बिरहोनाय, बिफां फुलि गायनाय हाबाफारि खुंनाय जायो। मख 'नो गोनांदि, उजान बरबरिनि रास फोथारव सरकारि बिथांखिनि धोनजों गोदांनै लुजानाय अरायथा जुथाय मेल जथुमसालिनि न'खौ एमएलए फनिधर तालुकदारा बेखेवना होयो। फारसेथिं, भवानिपुर बिधान सभा बियाबनि मयनामतियाबो रास फोर्बोंनि गेटखौ फनिधर तालुकदारा बेखेवना होदों। सालबारिनि साखाथि गाति, सान्थि बाजारवावो दिनें मोनाबिलिनिफ़्राय रास फोर्बोंआ बेखेवजाबाय होन्नानै सुलुडव खौरां मोन्नाय जादों।

गाहाम देहानि राहा

लेबुनि बिदैजों माखासे मुवाखौ गलायना लोडोब्ला उदैनि जेंनानिफ्राय रैखा मोनो

गोबां सुबुडानो मोदोम देरनायनिफ्राय रेहाय मोनो गोब्राब ब्याम खालामनानै गोलोमदै गहोयो। नाथाय बेबादि थासारियावबो गोबाडनो बे जेंनानिफ्राय रेहाय मोनो हाया जायो। वकआउटजों लोगोसे डाइटआव माखासे डिकसखौ सोफायोब्ला बे जेंनानिफ्राय रेहाय मोनो। लेबुनि बिदैआव मोनसे रोखोमनि मस्ताखौ गलायना लोडोब्ला लिरथाय खमायनायाव रेहाय मोनो। लिरथाय खमायनायनि थाखाय गिलाससे लेबु बिदैनि दैयाव एसे हल्लदै गलायनानै लौनांगौ। बे बादि बिदैखौ फ्रिन रटिनआव सोफायोब्ला मुलाम्फा मोनो। ब्याम खालामनायजों लोगोसे हल्लदै गलायनाय लेबुनि बिदैखौ रटिन बादिदै लोडोब्ला



देहायाव जमा जानाय उफ्रा मेजेमआ थाबैनो जानगारो एबा बान जायो। लेबु आरो हल्लदैजों गलायनाय बिदैआ देहानि मेटाबलिजिमखौ गोखों खालामो। लेबुआव मोननाय भिटाभिन सि आरो हल्लदैआव मेजेमखौ बान खालामनायाव मदद खालामो। मेजेम रानायजों लोगोसे बेबादि बिदैखौ लोडोब्ला देहानि थासारिआवो इम्पुफसिन जायो। मिथिंगायारि

मुंदांखा पान्जाबि देंखोगिरि दिलजित दसान्झआ गुबुन हादतआवबो मिउजिक कन्सर्ट खालामो। बिथानि लाइभ स्व 'फोरखौ लानानै जे ब्लाबो कन्टु भारसि जानायखौबो नुनो मोन्दों। हाइद्राबादआव 15 नभेम्बर एबा शुक्र बारखालि दिलजितनि कन्सर्ट जागोन, नाथाय बेनि सिगां तेलेंगाना सरकारनिफ्राय कनसर्ट खुंफुंगारो नटिस हरनाय जादों। पान्जाबि मेथाइफोरखौ खन्नो होबथादों। तेलेंगाना सरकारनिफ्राय नटिस हरनायाव दिलजित दसान्झखौ हिंसा, ड्रग्स, जौ लौनायखौ बांहो नो नागिरनाय मेथाइफोरखौ



मेथाइफोरखौ खन्नो होबथादों। तेलेंगाना सरकारनिफ्राय नटिस हरनायाव दिलजित दसान्झखौ हिंसा, ड्रग्स, जौ लौनायखौ बांहो नो नागिरनाय मेथाइफोरखौ

रोजाबैनि बिथोन होदों। नटिसनि बादिब्ला, कन्सर्टआव गथ 'फोरखौ स्टेजआव लाबोबो होबथादों। मानोना गथ 'फोरखौ जाहाथे हाइ साउन्ड

ले भे लनिफ्राय रैखा खालामनायाव मदत मोनो। डिल उ ए इ च अ नि गाइडलाइन्सआव मिबथि होनाय जायोदि, उन्दै

गथ 'फोरनि थाखाय हाइ साउन्ड खोनासहोनाया रैखाथि नडा। सुलुंनि बायदिब्ला, नटिसआव पान्जाबि देंखोगिरि दिलजितनि गोजाम कन्सर्टनि भिडिअनि फोरमानबो होनाय जादों। बेयाव बिथान्खौ पन्ज तारा, पाटियाला पेग बायदि मेथाइफोरखौ लाइभ स्व 'आव रोजाबनायखौ नुनो मोन्दों। दिलजित दसान्झनि स्व 'आरो बिथान्जों लोब्ला थानाय कन्टुभारसि जानायफोरखौ लानानै तेलेंगाना सरकारखौ एलार्ट जानाय नुनो मोन्दों। पान्जाबि मेथाइफोरजों सुबुंफोरनि गोसोआव जायगा आवगिरो हानाय दिलजित दसान्झनि कन्सर्टखौ लानानै लान्थिये जेंना सोमजिदों।

हलिउडनि सिडनि स्विनिआ आइजोफोरनि सोमोन्दै माखासे बाथा फोरमायदों

युफरियानि स्टार स्विनिआ भेनिटि फेयारो होनाय मोनसे इन्टरभउआव बुडोदि, हलिउडआव जेब्लाबो बेखौ दिन्थिनाय जायो आइजोफोर गावजों गाव गोखों बानायलायो, नाथाय मोगथांआव बिद्वि नडा। बिथान्आ बुडोदि, गोबां खेब गेदेर आरो जाफुं सारनाय आइजोफोरा गुबुनफोरखौ हेफाजब होनायनि अनगाथे बिसोरखौ गाहायाव खोखलै नायनि खामानिसो मावो। 27 बोसोर बैसोनि सिडनिआ मिबथि होयोदि, 'गुबुन आइजोआ गुबुन आइजोखौ अपमान खालामनाय नुनाया जोबोद दुखुं नाथाव बाथा जायो। बिथान्आ मिबथि होयोदि, सावथुन मुलुगनि माखासे जाफुं सारनाय आइजोफोर, जाय मोनसे गिदिर थाखोयाव थाखानायफोर बिथान्मोनहा गुबुन गोदान आरो खस्थ' खालामग्रा हिन्जावसाफोरखौ सावरायो आरो बिसोरखौ आवगायलानायाव



होबथायो। बिथान्आ बुडोदि, जाफुं सारनाय माखासे आइजोफोरा गोदान हिन्जावसाफोरखौ गाव गावनि सिमांखौ जाफुं होनो थाखाय खस्थ' खालामनाय नुयो नाथाय अब्ला बिसोरखौ हेफाजब होनो नागारै बिसोरनि मुंखौ गात्रि खालामनो नाजायो। स्विनिआ

बुडोदि, 'आइजोफोरनि एम्पावामेन्ट'आ थारैनो मोनसे मुंदांखा बाथा फाव, नाथाय मोगथांआव बेयो नंखाय दिन्थि फलानायसो। बिथान्आ रोखाथे मिबथिहोयोदि, मोगथांआव बे बायदि जेबो जाया। बेफोर गासिबो दिन्थिफलानायसो, अदेबानि सुबुंफोरा सिंआव

आलादा सानो आरो सिगांआव आलादा बुडो। बिथान्आ बुडोदि, 'जौखौ उन्दै समाव सोलौंथाइ हायोदि, जे सासे आइजोआसो गोजौसिम दावबायनो हायो आरो आइजोआनो हौवाफोरखौबो फेजेनो हायो। बेनि जाहोनावनो बयबो सानोदि, बिथान्मोनखौ गावजों गाव जुजिलालानानै एबा बे सासे आइजोखौ गाहायाव खोखलै नानै गावनि जायगा बानाय नांगौ। फावखुं गिया बुडोदि, बिथान्आ गावनि केरियारआव आवगायलानो नाजागासिनो दड, नाथाय दासिमबो माखासे जेंनाफोरजों मोगा मोगि जानां गासिनो दड।

सन्दर्या शर्माआ हलिउड डेब्यु खालामसिगोन

सन्दर्या शर्माआ हलिउड डेब्युनि थाखाय थियारि जाबाय। डेब्युखौ लानानै एक्साइटेड जानाय फावखुं गिया बुडोदि, सिमां नुनायखौ मोखथां महराव जाफुं सारनाय बायदि जादों। जौ बयबो सिमां नुनायखौ नागार नाडा। 'हाउसफुल 5' सावथुननि सन्दर्याआ बुडोदि, आं जोबोद खुसि। बेखौनो आं बुंनो सानोदि, सिमां नुबाय था, सिमांआ जाफुं सारो। 2024 माइथाया आनि थाखाय जोबोद स्पेसेल। बेनि जागायनाया 'हाउसफुल 5' निफ्राय जादों, बेनि गासिबो क्रेडिथ एनजिइ आरो आनि 'गडसिस्टर' भर्दा नाडियाडवालानो होनो सानो। अदेबानि आं हलिउडआव लामा बानायनो नाजागासिनो दडआरो



बे खाबुखौ आं थारैनो नेनानै दडा बिथाड 'जन विक' सिरिजनि डायरेक्टर चेड स्टेल्सिकजों लोगोसे नुजाथिगोन। फावखुं गिया आरोबाव मिबथि होयोदि, आं बे प्रजेक्टनि थाखाय खमैबो बोसोसे सिगां माखासे

सिक्वेन्सफोरखौ सुट खालामदोंमोन, नाथाय आं बेखौ आबु जायैनि सिगां गोबां बाथा सावरायनो साना, मानोना आं इसे खाना फोथायग्रा सुबुं। आं जानुवारी दानाव लस एन्जिल्स आरो फ्रान्सआव आनि जोबथा

शेड्युलखौ फोजोबनो थाखाय जोबोद एक्साइटेड जानानै दडा। बे प्रजेक्टनि सोमोन्दै गोबां बाथा सावरायनो हाया। नाथाय थाबैनो नौंथांमोन्नो गासिखौबो शे यार खालामगोन।

5 निफ्राय 8 डिसेम्बरसिम जागरण फिल्म फेस्टिभेल खुंगोन



बहुमनि बयनिखुइ देरसिन फिल्म फेस्टिबेल 'जागरण फिल्म फेस्टिभेल' (जेएफएफ) आ गासै मुलुगनि सावथुन दिहुनगिरिफोरनि मोजां मोननाय जानानै फेदों। दुलाराय हादतआव सावथुननि कालसारखौ बारायहोनो थाखाय जेएफएफखौ

फै नो गोनां 5 निफ्राय 8 डिसेम्बरसिम दिल्लीयाव खुंफुं नाय जागोन। जेएफएफआव बे खेबाव रेकर्डनि अन्जिमाया सावथुनफोरनि एन्ट्रि जादों। दासिम 4 रोजा 500 निखुइ बांसिन सावथुनफोरनि फारिलाइया फैबाय। बे एन्ट्रि

जानाया 111 हादतफोरनिफ्राय मोन्नो हानाय। बेयाव 78 रवफोरनि सावथुनफोर दंफायो। जेएफएफनि जुरिआ बे सावथुनफोरखौ नायनायनि उनाव गासै 292 सावथुनफोरखौ सर्टिलिस्ट खालामदों। दिल्लीयाव खुंफुं नो लानाय

फेस्टिभेलआव सानब्रैनि गेजेराव जागोन। बेयाव 29 हादतफोरनि 34 रवफोरनि सावथुनफोर थागोन। मोन 17 सावथुनफोरखौ गिबि खेब जेएफएफ दिल्लीयाव दिन्थिनाय जागोन एबा बिसोरनि प्रिमियारखौ दिन्थिगोन। माखासे सावथुनफोरनि वार्ल्ड प्रिमियारआ जागरण फिल्म फेस्टिभेलनि गेजेरजों जागोन। पंकज कापुरनि रेटस्पेक्टिभ जागोन। बे सावथुनाव फावखुं गुर पंकज कापुरआ बाहागो लागोन आरो नायगिरिफोरजों सावरायगोन। जेएफएफनि गेजेरजों भियेटनामनि माखासे मोजां सावथुनफोरखौ दिन्थिफुंगोन। 5 निफ्राय 8 डिसेम्बरसिम दिल्लीआव खुंफुं नायनि उनाव

जागरण फिल्म फेस्टिभेलआ प्रयागराज आरो बाराणसिआव जागोन। बेनि उनाव रायपुर, रन्चि, इन्दौर, लक्षनौ, कानपुर, सिलिगुडी, आगरा, मेरठ, गरखपुर, पाटना, लुधियाना, देरदुन, हिसार आरो दरभंगायाव जानानै मार्चनि गिबि सप्ताहयाव मुम्बाइयाव जोबगोन। बेवहाय फेस्टिभेलजों लोगोसेनो एवार्ड नाइटखौबो खुंफुं गोन।

हलिउड फावखुं गुर आरो डायरेक्टर जन क्रचिंस्किखौ मुंदांखा 'सेक्सिस्ट मेन एलाइभ बान्थाजों मान बाउदों। 45 बोसोर बैसोनि क्रचिंस्किआ मिनिनानै बुडोदि, मोगथांआव थारैनो ब्लेकआउट जानायनि फाससे बुंनो जेबो सोदोबानो गैला। बुकलिननि थागिबि स्टारआ सौलु खालामोदि, जेब्ला नौंथाड गिबि खेब बे सनमाननि सोमोन्दै खोनादोंमोन अब्ला मा गुन्दागर्दि' खालाम जादोंमोन नामा? गावनि 14 बोसोरनि बिसि, फावखुं गुर एमिलि ब्लान्दनो बे खोरं होनाया थारैनो एन्टारटैनि जाना नुजाथिदों। मेगासिन कभारजों लोगोसे बिथानि न'नि वालपेपारखौ




सिथावनायनि मोनसे सरसनस्त्रा हुमखि होनाया बिथानि फिसाजो हेजल आरो बायलेटआ लाजिनानांनो हागौ। 'दा अफिस' आव मसखर जिम हेल्परनि महराव मुंदांखा जानाय फावखुं गुरआ जंखायनानै बुडोदि, बिथानि गोदान सेक्सिस्टेयसजों नख'रनि बिबानफोर बांनो हागौ। क्रचिंस्किआ

केमेरनि सिगांआव आरो उनाव मोनै जायगायावबो मोनसे गोहोम गोनं केरियार बानायदों। गावनि हरर सावथुन 'ए क्वाइट प्लेस' खौ सन्देहपुर्ण स्टुडियआव '54 खेब' दिन्थिफुं नायनि उनाव बिथान्आ जिम फ्रम'द अफिस निफ्राय मोनसे सन्मान गोनं सावथुननि बिथोनगिरिआव सोलायो।

लेडि गागाआ नेटविलक्सनि 'वेडनेसडे' सिजन 2 आव बाहागो लाफैगोन

मुंदांखा स्ट्रिभिं प्लेटफर्म नेटविलक्सआव देंखोगिरि लेडि गागाजों लोगोसे मेहेरगोनं ड्रामाखौ बारायहोनो नागिरदों, जाय बिथानि नैथि



सिजननि थाखाय 'वेडनेसडे'नि फावगिरिफोरनि गेजेराव बाहागो लाफै गोन। दिहुन्थायआ आथिखालाव आइलेन्डआव सोलिगासिनो दड आरो बेड रमान्स हिटमेमरनि फावनि रहस्टआव गोदोनानै दड। इन्डास्ट्रिनि मुंदांखा स्टिम बुस्सेमि, बिलि पाइपर आरो नुह

टेलरनि सिरिजआव साइन होनायजों गोदान सिजनआव स्टार पावनि बाना जादों। गेस्ट स्टारखौ हलिउडनि मोनसे हुज हु बायदि नुयो। वेब क्रिस्टफार लयड, जअना, लुमलि, थान्डिबे न्युटन आरो 'द सिकस्थ सेन्स' स्टार हेलि जएल असमेन्टआबो दंफायो।

ने भरमर एकाडेमिआव फे फिन्नाय मुंदांखा फावगिरिफोरनि गेजेराव हन्टर डुहान, एम्मा मायर्स आरो केथरिन जेटा-जन्सजों लोगोसे डेडपेन वेडनसडे एडाम्सनि महराव अर्तगायाबो दंफायो। नेटविलक्सआ सेप्टेम्बर दानाव मोनसे टिजारखौ फोसावदोंमोन आरो बेवहाय फु टेजआ सोरांआव फैननायाव थैनि मोदें बोहै नायनि समभावनानि सोमोन्दै अर्तगाखौ सांग्रांथि होदों। अर्तगाआ फैगौ सिजननि थाखाय बिथोनगिरिनि फावआव आगान होबाय, जायजों स्पुकि एकाएभियाव बिथानि बिबानआ बांदों।

कल्डप्ले कन्सर्टनि सिगां आहमेदाबादआव हटेलनि रेटआ बारायदों

कल्डप्लेआ मोनसे ब्रिटिश रक बेन्ड, जाय गावनि मिउजिक अफ दा स्पियार्स बाल्ड टुरनि थाखाय भारतआव फैगासिनो दड। बे कन्सर्टनि थाखाय सुबुंफोरनि गेजेराव एक्साइटेड जानायखौ नुनो मोन्दों। नाथाय बेनि गोहोम गोरलैनायखौ हटेलफोरनि बेसेनाव नुनो मोन्दों। सशेल

मिडिया प्लेटफर्म एक्सआव सुबुंफोरा आहमेदाबादनि हटेल रुमनि रेट बारायनायखौ शेयार खालामगासिनो दड। कल्डप्ले रक बेन्डनि पारपरमेन्सआ मुम्बाइयाव 18,19 आरो 21 जानुवारीआव जागोन। बेनि उनाव आहमेदाबादआव 25 जानुवारीखालि कल्डप्लेनि कन्सर्टआ नेट्र मदि स्टैडियमआव



जागोन। मुंदांखा रक बेन्डनि आंथिया बेनोदि, शहराव हटेलनि

बेसेनफोरा जोबोद बांदों। आहमेदाबादआव जानो गोनं कल्डप्ले बेन्ड कन्सर्टनि साखाथिनि हटेल बुकिनि रेटआ जोबोद बारायदों। एक्सआव सासे इउजआर जिगा सिनायनि गेजेरजों मिबथि होयोदि, 24 आरो 25 जानुवारीआव आहमेदाबादआव हरसे थानो थाखाय 50 रोजा खरसा खालामगोन।

